


8 (05)

א-35



וְהָיָה כִּי יִשְׁמַע ה' אֶת הַקּוֹל וְיִשְׁלַח אֶת יָדוֹ וְיִפְּסֵהוּ מִן הַמָּוֶת

וְיִשְׁמַע ה' אֶת הַקּוֹל וְיִשְׁלַח אֶת יָדוֹ וְיִפְּסֵהוּ מִן הַמָּוֶת

וְיִשְׁמַע ה' אֶת הַקּוֹל

სახელმწიფო უნივერსიტეტის სტუდენტთა ჯგუფის ეოველთვიური
სამეცნიერო, სალიტერატურო და საზოგადოებრივი ჟურნალი

მომავალი

№ 1

მაისი, 1920 წელი

ტფილისი
სტამბა ვ. ა. რუხაძისა, ვაბაშვილის შესახვევ
1920



„მომავალი“

რთულია ცხოვრება და გაუგებარი. ადამიანის ინტელექტი ვერ ურიგდება ცხოვრების გაუგებრობას, ცდილობს მის გარკვევა-ნათელყოფას; მიისწრაფის ცხოვრების შემეცნებისაკენ — ჰქმნის მეცნიერებას. მრავალფერადი ცხოვრების ამხსნელი რთული და მრავალ-ფერადი მეცნიერება ყოველდღიურ ცხოვრებაში ვერ ღებულობს გარკვეულ სახეს და რომ ის, ადამიანისათვის ადვილად გასაგებ ფორმაში ჩამოყალიბდეს, ადვილად შეითვისოს ადამიანმა, განსაკუთრებული ორგანიზაციის ინტენსიური, ნაყოფიერი შრომაა საჭირო. ასეთ ორგანიზაციად თანამედროვე კულტურას მიჩნეული აქვს უნივერსიტეტი; ის, როგორც მეცნიერების ტაძარი, დიდმნიშვნელოვანი და აუცილებელია ადამიანის აზროვნების განვითარებისათვის.

უნივერსიტეტის მიზანი ცხოვრების ნათელყოფა და მეცნიერული კვლევა-ძიებაა, ამიტომ ეტრფის მას ყოველი მოაზროვნე ადამიანი, მოაზროვნე ერი. გრძნობდა უნივერსიტეტის საჭიროებას, ეტრფოდა უნივერსიტეტს სულით ძლიერი, ლაღი ბუნების შვილი კვლევა-ძიების, მეცნიერების მოყვარული ქართველი ერი; ატარებდა სულის სიღრმეში უნივერსიტეტის იდეას, მაგრამ სუსხიანი რუსეთის მონა, ამ ბრწყინვალე, წარმატებული იდეის განხორციელებას ვერ მოესწრებოდა...

მაგრამ დედა-მიწის ბურთი წაღმა მოტრიალდა, დაიწარცხა ძველი სამყარო, ამოვიდა ახალი მზე, ცხოველი სხივების წნული საღებო მოხვია ქართულ სულს, გაანთავისუფლა იგი და სამშობლო ბუნების წილს დაუბრუნა. თავისუფლად ამოისუნთქა ქართველმა ერმა, ზღვა-სიხარულით, ზღვა-მედით აივსო, გაბედულად შეწდგა ფეხი ბრწყინვალე მომავლისაკენ. ამართული მაღალ კიბურის პირველ საფეხურზე — გახსნა ქართული უნივერსიტეტი; საქართველო განახლების, აღორძინების გზას დაადგა; დღეს ის დემოკრატიული ქვეყანაა, დიდი და სუსხიანი ზამთრის შემდეგ ახლად გაფურჩქნული, ამობოჭრებულ ოკეანეში განმარტოებულ კუნძულად ქცეული, ბევრ დაბრკოლებას, ძლიერ ქაბუთებს მოეღოს, მაგრამ იმედს არ ჰკარგავს, თავისუფლებით ღაღობს, შემოქმედებას ეწევა. საქართველოს ბუნებრივ სიმდიდრეს, ერის ორიგინალური სულის სავანდურს მეცნიერების შუქი უნდა მოეფინოს — ეროვნულმა უნივერსიტეტმა არ უნდა მოაკლოს მეცნიერებებს ცხოველ-მყოფელი სხივები საქართველოს არც ერთ კუთხეს, არც ერთ ქართველს.

ქართული უნივერსიტეტი ქართველი ახალგაზდობის — სტუდენტობის, მომავალი საქართველოს აყვანია. ახალგაზრდობა — სტუდენტობა ახალ მიმართულებათა ძიების, შემოქმედების, სულის აღორძინება — აყვავება — მომწიფების საფეხურია, ის სიცოცხლის გაზაფხულია. ხალისით, სიყვა-

რულით, სასიცოცხლო ენერგიით მდიდარი ახალგაზრდობა უნივერსიტეტში უნდა აღიჭურვოს მეცნიერებისადმი სიყვარულით, გახდეს ნამდვილი სალი მოაზროვნე ურყევი, მტკიცე რწმენით დაადგეს სწორ უტყუარ გზას და გახდეს ერის ხელმძღვანელი, ერის იმედი. ახალგაზრდობა მომავალი საზოგადოება, ის მომავლისაკენ იყურება, მომავლისათვის ემზადება, ამიტომ მართო მესხიერების მუშაობა, ცოდნის მხოლოდ მესხიერებით აკრეფა მომავლინებელია მისთვის; ახალგაზრდობა მოძრაობით, თვითაზროვნებით, შემოქმედებით სცოცხლობს.

ეურნალი „მომავალი“ ის ორგანოა, რომელშიც უნდა აისახოს სტუდენტების სულიერი ბუნება, სულის მოძრაობანი.

ამიტომ დარაზმვა სტუდენტობისა მეცნიერულ შემოქმედობისთვის, ქეშმარიტების, სიკეთის, სიმშვენიერის ძიება, ნაშრომ-ნააზრების დაგროვება და გადაშლა საზოგადოების წინაშე, მშობელ ერთან სიყვარულით გამთბარ კავშირით შეერთება, მისი ყურადღების დამსახურება, მეცნიერების მხოლოდ მესხიერებით პასიურად აკრეფის წინააღმდეგ ბრძოლა, კვლევა-ძიებაში გამოჭედილ აზრის პატივისცემა, თავისუფალი შემოქმედება, — აი, ცხოველ-მყოფელი და მიმზიდველი მიზანი, რომელსაც უსაზღვრესად „მომავალი“ სტუდენტობას.

სტუდენტობის თანამშრომლობით, საზოგადოების თანაგრძნობით იმედოვნებს „მომავალი“ ამ წმიდა მიზნების მიღწევას.

ივანე ალექსანდრის ქე ჯავახიშვილი*)

დაიბადა 1875 წელს. მამა მისი, აწ განსვენებული, ალექსანდრე ივანეს ძე, არის ცნობილი თავის მოღვაწეობით სამოსწავლო ასპარეზზე და აგრეთვე როგორც ავტორი ქართველოლოგიური ხასიათის ზოგიერთი წერილებისა, დაბეჭდილი კავკასიის ყოფილ სასწავლო ოლქის კრებულის „Сборникъ матеріаловъ для описанія мѣстностей и племенъ Кавказа“-ს მე-II-ე ტომში. საშუალო სწავლა-განათლება მიიღო ტფილისის I გიმნაზიაში, რომელიც გაათავა 1895 წელს. იმავე წელს შევიდა პეტრესქალაქის უნივერსიტეტის აღმოსავლურ ენათა ფაკულტეტზე, სადაც ისმენდა ლექციებს, განსაკუთრებით სომხურ-ქართულ ფილოლოგიის დარგში და სადაც, სხვათა შორის, სრულიად გაიარა ცნობილი არმენო და ქართველოლოგის, პროფესორის ნიკო მარის სამეცნიერო სკოლა. გაათავა რა უნივერსიტეტი, 1899 წლიდან დატოვებულ იქმნა იმავე ფაკულტეტის სომხურ-ქართული ფილოლოგიის კათედრასთან პროფესორობისათვის მოსამზადებლად. 1900 წელს გაგზავნილ იქმნა ბერლინში, სადაც ისმენდა ლექციებს იქაურ უნივერსიტეტის სიბრძნის მეტყველების და საღვთის-მეტყველო ფაკულტეტებზე და, სხვათა შორის, მუშაობდა ცნობილი თეოლოგის, პროფესორის ადოლფ

*) შედგენილია ამიერ-კავკასიის უნივერსიტეტის პრიატ-დოცენტის ლეონ მელიქსეთ-ბეგის მიერ.



ქრონოლოგიკური
სამუშაო



პროფესორი ივ. ა. ჯავახიშვილი
(ტფილისის სახელმწიფო უნივერსიტეტის რექტორი)

პარნაკის სემინარიუმში. ამ სემინარიუმის ნაყოფი გახლავს, სხვათა შორის, მისი გამოკვლევა ევსთათე მცხეთელის მარტვილობის შესახებ გერმანულ ენაზე. 1902 წელს, თავის მასწავლებელს და ხელმძღვანელ პროფ. ნ. მარტოან ერთან, იმგზავრა სინას მთაზე, სადაც (წმ. ეკატერინეს მონასტერში) აღმოაჩინა მრავალი საყურადღებო და უშესანიშნავესი ძეგლი ძველ-ქართული მწერლობისა, რომელიც დაამზადა დასაბეჭდათ (ამის შესახებ ჯერ-ჯერობით იხ. Н. Марр, Предварительный отчет о работах на Синаѣ, веденныхъ въ сотрудничествѣ И. А. Джаваховымъ, и въ Ерусалимѣ, въ поѣздку 1902 г. — „Сообщения И. Православнаго Палетинскаго О-ва“, т. XIV, ч., 2, Спб. 1903). სამაგისტრო ზეპირი გამოცდების ჩაბარების შემდგომ, 1905 წელს აღმოსავლურ ენათა ფაკულტეტს წარუდგინა დისერტაცია სათაურით: Государственный строй древней Грузии и древней Армении, т. I (Спб. 1905) და დაჯინდოვებულ იქმნა ქართული ფილოლოგიის მაგისტრის ხარისხით; დისერტაციის დაცვის დროს ერთ-ერთ (პირველ) იუფიციალურ ოპონენტათ იყო პროფ. ნ. მარტი, რომლის რეცენზიაც ამის შესახებ დაიბეჭდა Журналь Министерства Народнаго Просвѣщенія-ში (1908 г., май). 1906 წლიდან მოწვევულ იყო ხსენებულ ფაკულტეტზე პრივატ-დოცენტათ, რომელ თანამდებობაზედაც იმყოფებოდა 1917 წლამდე, ე. ი. საქართველოში ჩამოსვლამდე. პეტრესქალაქში ყოფნის დროს, სხვათა შორის, მონაწილეობას იღებდა რუსული საარქეოლოგიო საზოგადოების აღმოსავლურ განყოფილებაში, სადაც კითხულობდა მოხსენებებს; იყო თავმჯდომარეთ პეტრესქალაქის უნივერსიტეტის ქართველ სტუდენტთა სამეცნიერო წრისა. გარდა ამისა ზამთრის და ზაფხულის ვაკაციების დროს ტფილისში კითხულობდა საჯარო ლექციებს სხვა-და-სხვა საკითხების შესახებ. საქართველოს საისტორიო და საეთნოგრაფიო საზოგადოების მოწვევით და აგრეთვე სისტემატიურ ლექციებს საქართველოს ისტორიიდან მასწავლებელთათვის დაარსებულ სასაფხულო დროებითი კურსებზე (1918 წელს). პეტრესქალაქის უნივერსიტეტში სხვა-და-სხვა დროს კითხულობდა ლექციებს და აწარმოებდა პრაქტიკულ მუშაობას (სემინარიუმს) შემდეგ საზოგადო და სპეციალურ საგნებში: საქართველოს ისტორია, ქართული სამართლის ისტორია, საქართველოს ეკონომიური ისტორია, ქალაქ ანისის ისტორია, ქართული ენა, ქართველოლოგიის შესავალი, ქართული ეპიგრაფიკა, ქართული პალეოგრაფია და სხვა. 1917 წლის თებერვლის რევოლიუციის შემდეგ დადგა სათავეში იმ პატარა ჯგუფისა, რომლის თაოსნობითაც 1918 წლის იანვრის 26 (თებერვლის 8)-დან დაარსდა ტფილისში ქართული უნივერსიტეტი—პირველ ხანებში ცნობილი კერძო უნივერსიტეტად და მერე-კი (იმავე წლის შემოდგომიდან) აღიარებული ტფილისის სახელმწიფო უნივერსიტეტად. ქართულ უნივერსიტეტში მისი არსებობის პირველი დღიდანვე უჭირავს საქართველოს ისტორიის კათედრა და, იმავე დროს, თავიდანვე არჩეული იყო სიბრძნის მეტყველების (ისტორიულ-ფილოლოგიურ) ფაკულტეტის დეკანად; ხოლო 1920 წლის დამდეგს არჩეულ იქმნა უნივერსიტეტის რექტორად.

ნ ა შ რ ა ლ ე ბ ა ს ი ა *).

(1897—1920).

— Мундрость Балавара. — „Записки Вост. Отд. Рус. Арх. О-ва“, т. IX, в. 1—4 (1897—1898).

— საქართველოს სამეფო ტახტის მემკვიდრეები: მეფის ძე დავით და ბატონიშვილი იულიონი. — „მოამბე“ 1900 წ. № IV, და ცალკე — ტფილისი 1900.

— ანდრია მოციქულის და წმ. ნინოს მოღვაწეობა საქართველოში. — *ibidem* 1900 წ. №№ V და XI, და ცალკე — ტფილისი 1900.

— Проповѣдническая дѣятельность св. Нины и апостола Андрея. — „Журналъ Министерства Народнаго Просвѣщенія“ 1901 г. январь.

— ხალხის აღწერის და შემოსავლის დავთრები საქართველოში. — „მოამბე“ 1901 წ. № IV, და ცალკე, ტფილისი 1901.

— Народныя переписи въ Грузіи. — Записки Вост. Отд. Рус. Арх. О-ва“ т. XIV, в. 1 (1902) და ცალკე — Спб. 1901.

— Das Martyrium des heiligen Eustathius von Mzchetha — Jahres-richte d. Kön. Preuss. Akademie d. Wissenschaften“ XXXVIII (1902)

— მამულიშვილობა და მეცნიერება. — „ცნობის ფურცელი“ 1904 წ. №№ 2453, 2457, 2460, 2665—2667, და ცალკე გადმობეჭდილი — ტფილისი 1904.

— Грузія (ბიბლიოგრაფიული წერილები). — „Византійскій Вре-менникъ“ (изд. при И. Академіи Наук), т. XI, в. 1—2 (1904).

— Грузія (ბიბლიოგრაფიული წერილები). — *ibid.*, т. XI, в. 3—4 (1904).

— საქართველოს მეფე და მისი უფლების ისტორია. — „ცნობის ფურცელი“ 1905 წ. №№ 2856, 2859—2860, 2862, 2866, და ცალკე გადმობეჭდილი — ტფილისი 1905.

— Государственный строй древней Грузіи и древней Арме-ніи, т. I („Тексты и Разысканія по армяно-грузинской фило-логіи“, изд. фак. вост. яз. Спб. университета, кн. VIII), Спб. 1905.

— Политическое и социальное движеніе въ Грузіи въ XIX в. (изд. книгоиздательства „Сакартвело“). Спб. 1906.

— Грузія (ბიბლიოგრაფიული წერილები). — „Виз. Временникъ“, т. XII, в. 1—4 (1906).

— კულტურის ისტორია საქართველოში (ლექცია). — „ისარი“ 1907 წ. №№ 133 და 139.

— საქართველოს ეკონომიური ისტორია. წიგნი პირველი. ტფი-ლისი 1907.

— Автокефалія — „Подитическая энциклопедія“ подъ ред. Я. З. Слонимскаго, т. I, Спб. 1907.

*) სიაში არ არის შეტანილი ზოგიერთი შემთხვევითი ხასიათის წერილები, დაბეჭდილი გაზეთებში: „ცნობის-ფურცელი“, „სახალხო-გაზეთი“ და სხვა.

— საისტორიო მასალები. პასუხი მ. ჯანაშვილს. — „საქართველო“ 1908 წ. № 10.

— რეფერატი („საქართველოს ისტორიკოსთა ფილოსოფიურ და მეთოდოლოგიურ შეხედულების განვითარება მე-8—12 საუკუნეთა განმავლობაში“). — „ამირანი“ 1908 წ. № 86.

— История церковнаго разрыва между Грузіей и Арменией въ началѣ VII вѣка. — „Извѣстія И. Академіи Наукъ“ 1908 г., стр. 433—446, 511—536.

— Обзоръ теорій и литературы о происхожденіи грузинскаго языка. — „Ж. М. Н. II.“ 1908 г., августъ.

— ქართველ ერის ისტორია. წიგნი პირველი (პ. ი. თუმანიშვილის გამოცემა), ტფილისი 1908.

— კონსპექტი ლექციისა „ქართული სამართლის ისტორია“ (ორი ლექცია 27 და 28 მაისს 1909 წ.), ტფილისი 1909.

— ქართული სამართლის ისტორია. — „ერი“ 1909 წ. № 2; „ჩვენი ერი“ 1909 წ. №№ 1 და 2; „საქართველოს მოამბე“ 1909 წ. №№ 1, 2 და 3.

Матеріалы по исторіи грузинской патристической литературы. „Христ. Востокъ“ (изд. И. Акад. Наукъ), т. I (912), в. 1.

— Рецензія: (Е. Такайшвили), Матеріалы по археологіи Кавказа etc, XII вып. — ibid.

— Рецензія: Е. А. Пахомовъ. Монеты Грузіи ч. I — ibid.

— Къ вопросу о времени построения грузинскаго храма въ Атенѣ по вновь обследованному эпиграфическому памятнику. — ibid., т. I., в. 3.

— ქართველ ერის ისტორია. წიგნი პირველი და მეორე (დამატება „სახალხო გაზეთი“-სა), ტფილისი 1913.

— Слово св. Іоанна Златоуста „о врожденномъ предопредѣленномъ добрѣ и злѣ“ въ древнегрузинскомъ переводѣ. — „Христ. Востокъ“. т. II (1913) в. 3.

— Грузія (исторія) — „Энциклопедическій Словарь“ изд. т-ва бр. Гранатъ, т. XVII (Спб. 1913).

— Грузинское право. — ibid

— Грузинскій языкъ. — ibid

— Грузинская литература I. Древн. період. — ibid

— Термины искусствъ и главнѣйшія свѣдѣнія о памятникахъ искусствъ и матеріальной культуры въ древне-грузинской литературѣ. — „Христ. Востокъ“, т. III (1914), в. 1.

— ისტორიის მიზანი, წყაროები და მეთოდები წინათ და ეხლად. წიგნი I. ძველი ქართული საისტორიო მწერლობა (V—XVIII ს. ს.), ტფილისი 1916.

— О знакахъ преемнанія при изданіи древне-грузинскихъ текстовъ („Пособія для работъ по армяно-грузинской филологіи“ III), Петроградъ 1916.

— Объ одномъ анонимномъ грузинскомъ историкѣ XIV вѣка— „Извѣстія Р. Академіи Наукъ“ 1917 г. стр. 1483—1486.

— ქართველი ერის მოკლე ისტორია. წიგნი პირველი. უძველესი დროიდან I ს-მდე ქ. წ. („განათლების“ ამხ. გამოცემა), ქუთაისი 1918.

— ქალაქები, საქალაქო წესწყობილება და ცხოვრების ვითარება საქართველოში XVII—XVIII ს. ს.— „პრომეთე“ 1918 წ. № 1.

— ქართული სამართლის ისტორია. წიგნი I. თ. მთავრიშვილის ამხ. გამოცემა), ქუთაისი 1918.

— საქართველოს საზღვრები ისტორიულად და თანამედროვე თვალსაზრისით განხილული (წერაკიოთხვის გამავრც. საზოგ. გამოცემა), ტფილისი 1919.

— დამოკიდებულება რუსეთსა და საქართველოს შორის მე-XVIII ე საკუნეში (ქართული კლუბის გამომცემი), ტფილისი 1919.

* *

გარდა მაგისა,

— მონაწილეობა მიუღია რუსეთის მეცნიერებათა აკადემიის მიერ და ქ იოსებ ყიფშიძის რედაქტორობით გამოცემულ „ქართული ბიბლიოგრაფიაში“ (1848—1910), რომელშიც შეტანილია მის მიერ შედგენილი ბიბლიოგრაფიკი გაზ. „ივერიისა“ 1886—1896 წ.წ.

— მისი რედაქციით და წინასიტყვაობით (გვ. I—VII) გამოცემულია პეტრესქალაქის უნივერსიტეტის ქართველ სტუდენტთა სამეცნიერო წრის კრებული—ტფილისი 1916.

აქაკი შანიძე

(Curriculum vitae).

აკაკი გაბრიელის ძე შანიძე დაიბადა 1889 წელს სოფ. ნოლას (გურიაში), სოფლის მეღავითნის სახლში. კითხვა პირველად შინ ისწავლა და შემდეგ მიბარებულ იქმნა სოფლის სკოლაში. სკოლის გათავების შემდეგ შევიდა ქუთაისის სასულიერო სასწავლებელში, რომლის გათავების შემდეგაც (1904 წ.) გადავიდა ქუთაისის კლასიკურ გიმნაზიაში, სადაც მიღებულ იქმნა მესამე კლასში. მეხუთე კლასის დასრულების შემდეგ (1907 წ.) ზაფხულში მოემზადა, მეექვსე კლასი გამოსტოვა და პირდაპირ მეშვიდეში დაიჭირა გამოცდები. მერვე კლასში ყოფნის დროს კინაღამ დათხოვნილ იქმნა გიმნაზიიდან აკაკი წერეთლის ორმოცდაათი წლის იუბილეუმზე სიტყვის წარმოთქმის გამო. გიმნაზიის ვერცხლის მედლით დასრულების შემდეგ (1909 წ.) შევიდა პეტროგრადის უნივერსიტეტის აღმოსავლურ ენათა ფაკულტეტზე და ჩაეწერა ქართულ-სომხური ფილოლოგიის დარგზე. აქ იგი ლექციებს უსმენდა პროფ. ნიკო მარსს (ქართულ-სომხური ფილოლოგიის საგნებში) პრივატ-დოცენტის ივანე ჯავახიშვილს (საქართველოს ისტორია), პრივატ-დოც. ნიკოლოზ ადონცს (სომხური ისტორია, ახალი სომხური ენა), პროფ. ვალენტინე გუკოვსკის (სპარსული ენა), პრივატ-დოც. ალექ-



ქართული სახელმწიფო
ბიბლიოთეკა



პროფესორი აკ. გ. შანიძე
(ქართული ფილოლოგიის დოქტორის ხარისხის მფლობელის გამო)

სანდრე შმიდტს (ძველი არაბული ენა), პროფ. ნიკოლოზ მედნიკოვს (ახალი მწერლობის ისტორია), პრ.-დოც. ივლიანე კრაჟოვსკის (არაბული საქრისტიანოს მწერლობის ისტორია), პრ.-დოც. ანტონ ხაშშაბს (ახალი არაბული ენა), პროფ. პავლე კოკოვცევს (ებრაული და ასურული ენა), პროფ. ვასილ ბართოლდს (აღმოსავლეთის ისტორია), პროფ. ივანე ბოდუენ-დიკურტენეს (ენათ-მეცნიერება), პრივატ-დოც. ლ. შჩერბას (საექსპერიმენტო ფონეტიკა) და სხვებს.

სტუდენტად ყოფნის დროს პირველი ზაფხული (1910 წ.) გაატარა ქ. კენიგსბერგში (Königsberg i. P.) გერმანული ენის შესასწავლად, ხოლო მეორე ზაფხულს (1913 წ.) ფაკულტეტის მიერ გამოგზავნილ იქმნა ფშავსა და ხევსურეთში კილოების შესასწავლად. უნივერსიტეტის დამთავრების შემდეგ (1913 წ.) დატოვებულ იქმნა პროფესორობისათვის მოსამზადებლად ქართულ-სომხური ფილოლოგიის კათედრასთან და რუსეთის სამეცნიერო აკადემიის დავალებით კვლავ გამოგზავნილ იქმნა დუშეთისა და თიანეთის მაზრაში ქართული მთის კილოების გამოსაკვლევად, რასაც ერთი ზაფხული მოანდომა და შეკრიბა სამისო მასალები. 1914 წ. ზაფხულში უნივერსიტეტის მიერ გაგზავნილ იქმნა ერმიადში სომხურ ხელნაწერებზე სამუშაოდ („ქებათა-ქების“ ქართულ-სომხური ვერსიების წარმოშობის ისტორიის გამოსარკვევად) მაგრამ ერმიადში ავად გახდა (იქაური აუტანელი ზაფხულის ჰავის გამო) და გუმბრში (აღექსანდროპოლში) გადმოვიდა, სადაც გამოკეთდა თუ არა, სომხური ენის პრაქტიკულად შესწავლას მოჰკიდა ხელი. იმავე ზაფხულს ქიზიყში იყო ორჯელ: 23/V—4VI და 25/VIII—1/IX და ქიზიყურ კილოს სწავლობდა. 1915 წელს ჩააბარა ზეპირი სამაგისტრო გამოცდები ქართული ენათმეცნიერების სპეციალურ დარგში და შეუდგა პეტერბურგის საჯარო სამკითხველოს ქართული ხელნაწერების აღწერას. 1916 წ. ზაფხულში საქართველოს საისტორიო და საეთნოგრაფიო საზოგადოების დავალებით ორი კვირით სამეგრელოში იყო სამეცნიერო მისიით და ორი კვირით აგრეთვე ზემო რაჭის სოფლებში: ღებსა და გლოლაში, სადაც სადიალექტიოლოგიო მასალებს ჰკრებდა. 1917 წლის თებერვლის რევოლუციის შემდეგ დაბრუნდა ტფილისში და ქართული უნივერსიტეტის დაარსებაში იღებდა მონაწილეობას. მასწავლებლად იყო ქართულ გიმნაზიაში 1917—1918 სასწავლო წლის განმავლობაში.

უნივერსიტეტის გახსნის შემდეგ (26/I—1918 წ.) ლექციებს კითხულობს არაბულ ენაში. ამას გარდა, პირველ სემესტრში ლექციებს ჰკითხულობდა ძველ სომხურ ენაშიც, ხოლო 1919 წლის მარტიდან (პროფ. იოსებ ყიფშიძის გარდაცვალების შემდეგ) უპირავს კათედრა ქართული ენისა.

დაბეჭდილი შრომანი:

1. Отчетъ о дѣтней командировкѣ 1913 года въ Душетскій и Тонетскій уѣзды Тифлисской губерніи для изученія грузинскихъ говоровъ (Извѣстія И. Академіи Наукъ 1913 г. стр. 106§—107§).

2. Отдѣльные изданія и статьи на грузинскомъ языкѣ,

появившіеся въ 1911 и 1912 г.г. (ბიბლიოგრაფიული მიმოხილვა): Христианскій Востокъ, т. II (1913 г.), გვ. 253—262.

3. Нынѣшніе эквиваленты географическихъ названій Арагвскаго ущелья по Описанію 1774 года (Христианскій Востокъ, т. III, 1914 г., стр. 212—214).

4. რეცენზია ბატონ მოსე ჯანაშვილის საინგილოს შესახებ (Записки Восточнаго Отдѣленія И. Русскаго Археологическаго общества, т. XXII, 1915 г. стр. 344—355).

5. ქართული კილოები მთაში (ვეტერბურგის ქართველ სტუდენტთა სამეცნიერო წრის მიერ გამოცემული „კრებული“ ივ. ჯავახიშვილის რედაქციით“. ტფილისი 1915 წ. გ. 186—202).

6. Два чано-мингрельскихъ суффикса въ грузинскомъ и армянскомъ ялыкахъ (записки Восточнаго Отдѣленія И. Р. Ахеологическаго общества, т. XXIII, 1916, стр. 366—372).

7. —მცა ნაწილაკი ძველს ქართულში (პრომეთე 1918 წ. № 1, გვ. 21—26).

8. ვინაობის სუფიქსი —არ —ქართულ ენაში (განათლება 1918 წ. № 1, გვ. 21—26).

9. ნასახელარი ზმნები ქართულში (ტფილისის უნივერსიტეტის მოამბე, № 1, 1919 გვ. 87—96).

და 10. სუბიექტიური პრეფიქსი მეორე პირისა და ობიექტური პრეფიქსი მესამე პირისა ქართულ ზმნებში (ტფილისი 1920 წ.), რომელიც სადისერტაციოთ იქმნა წარდგენილი ქართული ფილოლოგიის დოქტორის ხარისხის მოსაპოვებლად.

ამას გარდა, იგი პბეჭადდა რუს. სამეცნიერო აკადემიის გამოცემებში „გამოსვლათა“ წიგნს ათონის მთაზე დაცულის მეთაფე საუკუნის ხელნაწერის თანახმად, მაგრამ ბეჭდვა არ დამთავრებულა.

ტფილისის სახელმწიფო უნივერსიტეტის სიპრანის მატყველების ფაკულტეტის 1920 წ. 9 მაისის საჯარო სემინიის ომბი.

1920 წლის 9 მაისს ფაკულტეტის საჯარო სემინაზე პაექრობა იყო პროფესორ აკაკი შანიძის გამოკვლევის „სუბიექტიური პრეფიქსი მეორე პირისა და ობიექტური პრეფიქსი მესამე პირისა ქართულ ზმნებში“ გამო, რომელიც წარმოდგენილ იქმნა საზოგადო ენათმეცნიერების დოქტორის სამეცნიერო ხარისხის მოსაპოვებლად: ოფიციალურ ოპონენტად ფაკულტეტის მხრივ იყვნენ პროფესორი გ. ახვლედიანი და ივ. ჯავახიშვილი; პაექრობის შემდგომ, უნივერსიტეტის დებულების 24 მუხლის თანახმად, ფაკულტეტს მთელი შემადგენლობით ბჭობა ჰქონდა და დაადგინა: თხზულების დაცვა კმადსაყოფად ჩაითვალოს და პროფესორი აკაკი შანიძე ენათმეცნიერების დოქტორის ხარისხის ღირსად ცნობილ იქნეს.

ფაკულტეტის ეს დადგენილება მოხსენდეს ტფილისის უნივერსიტეტის პროფესორთა საბჭოს დამამტკიცებლად.

ტფილისი 8 მაისი 1920 წ.

ქართული უნივერსიტეტის მნიშვნელობა

არა. ევროპის მეცნიერება-კულტურისადმი ტრფიალებამ, არა წინსვლისათვის საქართველოს უკან აზრისაყენ დაბრუნების საჭიროებამ მათქმევინა ეს მცირედი აზრი, არამედ წმიდა ქართულ მეცნიერებისადმი აღზნებული უსაზღვრო სიყვარულმა აღმოჩენა იგი.

ავტორი.

მსოფლიო ომის და დიდი რევოლუციის დაჯახებამ უცნაური-ცეცხლი გააჩინა; ცეცხლის სტიქიონში გაეხვია ძირითადი საფუძვლები საკაცობრიო იდეალებისა, მოულოდნელმა ქართველმა გაიტაცა ადამიანის სული და უსაზღვრო სივრცეს მიაბარა; ბუნებრივად აღზნებული ცეცხლი სტიქიურია და ძლევამოსილი, მასში ორი პროცესი ხდება: ის სწვავს, მაგრამ შემოქმედებასაც ეწევა; იდეალები ბრწყინვალე მომავლისა ან ამ ცეცხლშიც უნდა გაბაგრდეს, ან დაიწვას და ფერფლად იქცეს: ორში ერთი: კაცობრიობა ან უნდა დაიფრუფლოს, დაეწვას უფსკრულში, ან და შემოქმედების ცეცხლით აღენთოს და ამ საზღაბრო ქართველში გამოსტყდოს მომავალი!

არ შეუძლია არსებობა ადამიანს თუ მას მიზანი და რწმენა არ უნათებს მომავალს, შეუძლებელია ერის არსებობაც უმიზნოდ, წარმოუდგენელია კაცობრიობის წინსვლა, თუ სოლიდარობა და საკაცობრიო იდეალები არ არსებობენ. დღეს ქალისა, ბრძოლა მეფობას, ნივთი ბატონობს! ნუ თუ სამუდამოდ გაჰქრა სოლიდარობა, ნუ თუ საფრთხეშია კაცობრიობა? ნუ თუ სამუდამოდ გაიბნა ადამიანის სული უსაზღვრო სივრცეში? არა, და აი რატომ:

ცეცხლი, რომელშიც გახვეულია მსოფლიო, ბუნებრივი სტიქიონია, ის სუსტს, უსუსურს სასიცოცხლო ენერგიას მოკლებულს ანადგურებს, რათა ძლიერს, სასიცოცხლო ენერგიით აღსავსეს, შემოქმედებითი უნარით აღჭურვიდეს და ცხოველ-მყოფელს სარბიელი მისცეს, ადგილი გაუნთავისუფლოს; ნადგურდება, რამაც დრო მოჰამა, თავისი უკანასკნელი სიტყვა სთქვა, მაგრამ იმარჯვებენ ენერგიით სავსენი, მომავლის მოტრფიალენი განახლების, აღორძინების გზაზე მდგომნი; სალი ადამიანი, სალი ერი ცეცხლის სტიქიონშიც შესძლებს შემოქმედებას, მომავლისათვის იდეალების გამოქვდას და ქეშმარიტების, სიმართლის ბრწყინვალე გამარჯვებას იდღესასწაულებს.

დღეს ბრძოლის დროა, განახლებისათვის ბრძოლისა.

დიადი, დაუჩრდილავი იქნება ეს დრო, მომავლის მშობელი-მასაზრდოებელი, ჯადოსნური ნგრევისა და ამავე დროს ღეთაებრივი შემოქმედების კვერთხის მატარებელი, განსაკუთრებული მომხიბლავი ფერით შეიქრება ის ისტორიაში და საუკუნოდ მიიქედს მომავლის ყურადღებას და წინდახედულებას გვავალებს ის. საერთო გაზაფხულის პირ-

ველი დილის გარიერაჲს დაასწრო მომავლის მზემ და პირველი სანეტარო სხივი საქართველოს ცაზე გაასრიალა, ღრუბლები გადარეკა, მყინვარი ააცრემლა და ცრემლთა ნიაღვრით გადაცალა დედამიწის ბურთს ის ლაქა, რომელიც ჩვენი ერის მშობელ მხარეს ჰფარავდა. მომავლის მზემ დასწვა საქართველოს მონობა და ჩვენ, ქართველები, ჯან-ღონით სავსენი, სულით ძლიერნი, ფაქიზი, ნაზი, წრფელი გრძნობების, ჭეშმარიტებისადმი მღუღარე სიყვარულის მატარებელნი, მუდამ მაძიებელნი თავისი „მე“-ს სულიერ მეგობრისა, შვილნი ყველაფრით უხვი, საღი, ტურფა მრავალფერადი უმშვენიერეს-უძლიერესი ბუნებისა, გავგათავისუფლა. ჩვენი სამშობლოს ყოველი კუთხე თავისებური, საკუთარი, მთლიანი ბუნებით განსაკუთრებული ფერის შემტანია ერთ განუყოფელ თაიგულ საქართველოში.

მრავალფერადობა ბუნებისა და განსხვავება ნაწილებს შორის, ერთ ღროს მიზეზი საქართველოს დაუძლეურებისა, მუდამ დიდმნიშვნელოვანი, მასაზრდოებელი, დამამშვენებელი ძალა იყო და იქნება ქართველ ერის ცხოვრებისა. ბუნების მრავალფერადობა ნაყოფიერ ინდივიდუალიზმს ასაზრდოვებდაო, — სწორს ერთი მამული-შვილი, — თვითელი კუთხე განსაკუთრებულ სულიერ ბეჭედს ატარებდა და ამიტომ საქართველოს კულტურა უფრო დრამატულად მძაფრი, მოქნილი და მოძრავი იყო ვიდრე იმ ერებისა, რომელნიც ერთფეროვან ბუნების წიაღში სცხოვრობდნენ, ერთობილ ქართლში არ ჩაჩრდილულა ტომობრივი, თემობრივი და პიროვნული განსხვავებანი. პირიქით, შეერთებულმა და ძლიერმა სამეფომ სხვა და სხვა კუთხის მკვიდრთ ფართო ასპარეზი მისცა შეჯიბრებისა და დაწინაურებისაო. სწორი და ჭეშმარიტი აზრია.

თუ ასე დიდმნიშვნელოვანი იყო მრავალფერადობა საქართველოსათვის გვარ მცენარეებით, მუდამ მწვანე, სუფთა ჰაერით, უხვი მზით და ანკარა, ჩხრიალა ნაკადებით მდიდარი ბუნებისა, უფრო მნიშვნელოვანი იქნება მომავალში მეცნიერულად შესწავლილი და კულტურულად გაერთიანებული. მართალია, ქართველი ერი იყოფა მრავალ ტომებად, რომლებიც ბუნების მრავალფერადობის მეოხებით თვალსაჩინოდ განსხვავდებოდნენ ერთმანეთისაგან, მაგრამ უმთავრესი მომამრავებელი მნიშვნელოვანი ძალა აერთებს და ერთ ცოცხალ ორგანიზმად ხდის მათ: ეს გახლავთ ქართული სული და იმისი გამომხატველი, ორიგინალური ენა. ქართული ენა, საერთო ყველა ქართველ ტომთათვის, უმდიდრესია გრამატიკული ფორმებით და განსხვავებული სხვა ყველა ცნობილ ენათაგან: ფონეტიკით, ლექსიკით და ზმნის სირთულე-თავისებურობით. მღუღარე სასიცოცხლო ენერგიით აღსავსე, ცა-ფირუზი, ხმელეთ ზურმუხტი საქართველო იმდენად მდიდარი ქვეყანაა ბუნებრივი განჭით, რომ თუ მამად დააკმაყოფილებს ერის რთულ კულტურულ მოთხოვნილებასაც კი, მაგრამ ეს არ კმარა საბოლოო გამარჯვებისთვის! საქართველოს ბუნება მდიდარი და მრავალფერადი იყო, მაგრამ ქართველმა ერმა დავით აღმაშენებლის, თამარის და შოთას ბრწყინვალე ეპოქასთან ერთად წარსულში განიცადა მონობა, უძლეურობა და სიღარიბე — საღატაკმე! ქართველმა ხალხმა უკვე იცის რომ მართო ბუნებრივი სიმდიდრე არ

არის საკმაო არსებობა გამარჯვებისთვის! უფრო მეტიც, ბუნებრივი სიმდიდრეც მადლიან მომვლელს მოკლებული დამლუპველიც არის! არა ერთხელ ყოფილა ის დამლუპველი ქართველი ერისათვის და ეხლაც დალუპვას გვიქადის თუ გლეხის სისწრაფით არ შეუთანხმეთ და ვანაცვალეთ მას ჩვენი მღუღარე ენერგია. საღი პატრიოტული გრძნობა, მრავალ ბრძოლაში განმტკიცებული და დღეს მტკიცე ნიადაგ მოპოვებული, ფუჭად და უნაყოფოდ ჩაივლის, თუ ქართული მეცნიერების შუქით არ იქნა განათებული ჩვენი რესპუბლიკის ბუნებრივი სიმდიდრენი, სისხლის ლაქებით აღნიშნული განვლილი გზა და ერის სულიერი თვისება-მისწრაფებანი. ჯერ კი, სამწუხაროდ გადამეტებული არ იქნება თუ ვიტყვით, რომ არც ერთი მხარე ჩვენი ერის ცხოვრებისა მეცნიერულად შესწავლილი არაა: ეს იმ დროს, როცა მეცნიერება ღერძია ცხოვრებისა.

ჩამაფიქრებელ-დამაღონებელია მშობელი ერის ასეთი მდგომარეობა ჩვენთვის და გამამხიარულებელ-გამაფხიზლებელი მტრისათვის.

მაგრამ ჩვენი, თუ გნებავთ ასეთი მდგომარეობაც არ არის უიმედო, თუ თვითშემეცნების, თვითმოქმედების და თვით-აზროვნების ჭზას დაადგება ყოველი ნაწილი ჩვენი ჯანსაღი ერისა და ნაშრომს ერთს მთელი ერისათვის საერთო სალოაროში დააგროვებს. ჩვენი ხსნა, საწინდარი ჩვენი განმტკიცებისა ქართული მეცნიერების აყვავება-მომწიფებაშია; მეცნიერებით განათებული გზით სიარულშია შორეული კეთილდღეობის მოპოების იმედები.

ძიება უსაზღვრო ქეშმარიტებისა, სწრაფვა ადამიანის სულისა სინამდვილის შემეცნებისაკენ საფუძველია მეცნიერებისა. ქართველი ერი ხომ ქეშმარიტების მაძიებელია სიტყვიერებაში, რელიგიაში, გატაცებით მაძიებელია ის მუდამ და ყოველთვის, და თვით ისტორია ქართველ ერისა, ერთი მეცნიერის აზრით, ძიების ისტორიაა. მუდამ ეძიებდა ქართველი ხალხი სულით მოკავშირეს, სულით ნათესავს, ვერ ჰპოვა იგი, მაგრამ სულით არ დაეცა. დარწმუნებულმა მწარე სინამდვილეში რომ ქართველებს ნათესავები სრულიად არა ჰყავს დედამიწაზე, უფრო გაკაჟდა და მეტის გატაცებით შეუდგა სწორი, დამოუკიდებელ-უტყუარი გზის ძიებას.

გაბედულად, მაგრამ დინჯად შეაღო ქართველმა მეცნიერმა ეროვნული სალოაროს კარები და რა დაინახა საქართველოს ფირუზში ცა მოღრუბლული, ქართველთ ღმერთი-სინათლე დაუსაბამო, მივიწყებული, თვით ქართველი ერი გზა-ჯვარადინზე: მოკლებული მეცნიერულ ეროვნულ სკოლას, ხელოვნურ მეცნიერულად ჩამოყალიბებულ ენას, საქირო ეკონომიურ-ტექნიკურ, სამშობლო ბუნებას და საკუთარ სულიერ თვისების ცოდნას, აწნოთ ციური ცეცხლით და მომავალის მზის პირველი სანეტარო სხივის საქართველოს ცაზე გასრიალების წუთებში, ზებუნებრივი სიძლიერით გადასძახა ერს: „ხსნა მეცნიერებაშია, ხსნა უნიავერ სიტეტშიაო“.

განიკურნება ქართველი ერი, განახლდება საქართველო.

პლ. გურიელი.

(შემდეგი იქნება).

ხელოვნებას ისტორიიდან

(ძველი ქართული ხუროთმოძღვრების გამოფენის გამო).

I

უძველეს დროის ხელოვნება: კეკეხტე, ასურეთი, ფინიკია, ებრაელები, სპარსეთი და მიდია.

ძველი ქართული ხუროთმოძღვრების გამოფენა, რომელიც მოწყობილ იქმნა ამ დღეებში პრ. ე. თაყაიშვილის თაოსნობით, მრავლად მეტყველებს, თუ რა შემოქმედებითი უნარი გამოუჩენია ქართველ ერს კულტურულ სფეროში. ხელოვნება და მისი მთავარი სახეობანი—ხუროთმოძღვრება, ქანდაკება და მხატვრობა, ერის ინტელექტუალი და სულიერი განვითარების გამოხატულებაა. ხელოვნება და კულტურა—ეს ის ქეშმარიტი და უტყუარი სარკეა, სადაც მოსჩანს ერის სული, მისი კულტურულ-ნაციონალური ფერადობა—კოლორიტი, მისი ინდივიდუალობა, მისი სპეციფიური და პოტენციალური შემოქმედებითი უნარის ნაყოფი. მნახველის წინაშე თვალ მწარმოებდა გადმოვიდა ქართველი ერის „ორი ათასი წლის კულტურა“. მხატვარ გენიოსების მიერ ტენიკისა და კომპოზიციის საუცხოვო დაცვით გამოქნილია ქართული ხელოვნების სტილი, რომელიც ნათლად ამტკიცებს, რომ ძველ ქართულ ხუროთმოძღვრებას განვითარების უმაღლეს საფეხურამდის მიუღწევია. ძველი ქართული ხუროთმოძღვრების მნიშვნელობაზე და მის ისტორიაზე ჩვენ უფრო ვრცლად შევჩერდებით უკანასკნელ წერილებში, როცა დაახლოვებით გავითვალისწინებთ ხელოვნების ანუ ხუროთმოძღვრების, ქანდაკების და მხატვრობის ისტორიას, მის ზრდა-განვითარებას სხვა და სხვა სახელმწიფოებში და სხვა და სხვა პერიოდებში, და მსოფლიო ხელოვნებაზე ზოგადი წარმოდგენით შევედგებით სპეციალურად ქართული ხელოვნების განხილვას.

ხელოვნება, როგორც ერთი ნაწილი სულიერი შემოქმედებისა, მქილდოდ დაკავშირებულია ამა თუ იმ ერის კულტურასთან. პროგრესი კულტურაში—ხელოვნების წყაროა, —რეგრესი კი დაქვეითების მომასწავებელი. ხელოვნება განიცდის იმავე პროცესს, რომელსაც ყოველივე მოვლენა ექვემდებარება სამყაროში. მის ზრდა-განვითარებას დაცემის ხანაც მოყვება. „კულტურულ საფეხურზე მყოფ ხალხში ხელოვნება ყრმის, ასაკის და დაცემის ხანას განიცდის“, ამბობს ცნობილი ხელოვნების ისტორიკოსი ფრანგი მშაინი. ჟამთა მსვლელობაში დროებით დადუმებული შემოქმედება კვლავ ცხოველდება და ახალ ხანას ქმნის ხელოვნების ისტორიაში. მაგრამ მეორე სახით. ეს მოვლენა უდევს საფუძვლად იმ გარემოებას, რომელიც უკავშირებს ხელოვნების ისტორიის ხანებად დაყოფას კულტურულ შემოქმედებას, მსოფლიო ცივილიზაციას. ძველი ხანა, საშუალო საუკუნოები, აღორძინების და უახლოესი ხანა—აი მთავარი პერიოდები ხელოვნების ისტორიაში, მართლმოდებელი გამოხატველი ხალხის ყოველმხრივი შემოქმედებისა. განსაკუთრე-

ბითი ადგილი უჭირავს აღორძინების ხანას, ანუ დასავლეთის ხელოვნებას, (იტალია, გერმანია, საფრანგეთი, ფლანდრია და სხვ.) რომელიც უმთავრესად ორი ფაქტორის გავლენით წარმოიშვა—ანტიური კულტურის და ნატურალიზმისა.

ეგვიპტელები, ფინიკიელები, ბერძნები, ეტრუსები, რომაელები და ასურელები, რომელნიც სამოქალაქო ისტორიაში ცნობილნი არიან ძველი დროის კლასიკურ ხალხებათ და რომელნიც განთქმულნი იყვნენ თავისი ხელოვნებით, ხმელთა შუა ზღვის ნაპირებზე და მის მაზლობლად სცხოვრობდნენ. ხმელთა შუა ზღვა თანამედროვე ცივილიზაციის ცენტრათ ითვლებოდა, რომელიც ამავე დროს იყო მთავარი ფაქტორი ამ ხალხთა შორის ურთიერთ გავლენისა და კავშირისა. ძველი ეგვიპტეს არსებობა დამოკიდებული იყო მდ. ნილოსისაგან, რომლის ყოველწლიური წყვა ეგვიპტეს უღაბნობების და უზინდავადგილებისა, კულტურულ და ეკონომიურ პროგრესის საშუალებას ქმნიდა მცხოვრებთათვის. ეგვიპტელები სემიტელთა რასას ეკუთვნიან. უძველეს დროიდან დასახლებულნი, ეგვიპტელები ჩამოალიბებულ სახელმწიფოებრივ ორგანიზაციის არ წარმოადგენდნენ, ცალ-ცალკე ჯგუფებად დაყოფილნი დამოუკიდებელ ცხოვრებას ეწეოდნენ, ხანამ ვინმე მენესმა, დაახლოებით 5000 წ. წინ ქრ. დ. მთელ, პოლიტიკურ ძალა-უფლების ხელში ჩაგდებათ არ გააერთიანა დაქსაქსული ეგვიპტელები ერთ მთლიან სამეფოში.

ეგვიპტელთა ისტორია იყოფა შემდეგ ოთხ ხანათ: 1, მეფისის ხანა ქ. მემფისით, 2, თებთან ხანა ქ. თებით, 3, საისის—ქალაქ საისით და 4, ბერძენთა ბატონობის ხანა. ეგვიპტელთა ამ პოლიტიკური ისტორიის დაყოფასთან დაკავშირებულია მათი ხელოვნების ასტორიის დაყოფაც.

ეგვიპტელთა კულტურა პირველ პერიოდში საკმაო განვითარებული იყო, რაიც მათი სპეციფიური კულტურული ნიჭის ევოლიუციის შედეგათ არის მიჩნეული. განსაკუთრებით აყვავდა მათი კულტურა მეფე რამსეს II დროს 16-ს. ქ. წ. ასურელთა და პერსთა მიერ განადგურების შემდგომ ეგვიპტელები ბერძნებმა დაიპყრეს და გააერცვლეს მათში თავიანთი კულტურა, თუმცაღა აღსანიშნავია შემდეგი მოვლენაც, რომ მათ ეგვიპტელთა ძველ ცივილიზაციისთვის ხელი არ უხლიათ.

ეგვიპტელთა ძეგლები პირველათ ცნობილმა ხელოვნების მცოდნე ბონაპარტემ აღმოაჩინა თავის ექსპედიციის დროს. ამის შემდეგ გამოვიდა საინტერესო წიგნი „ეგვიპტეს აღწერა“, რომელიც ბონაპარტეს მიერ მოწყობილ სამეცნიერო ექსპედიციის დასრულებულ შრომას წარმოადგენს. ამ ასპარეზზე მომუშავეთა შორის აღსანიშნავია შამპოლიონი, რომელმაც პირველად წაიკითხა ეგვიპტელთა იეროგლიფები. უკანასკნელი წარმოადგენს ცხოველთა და უსულო საგანთა ფიგურებს. მეცნიერებმა—მარიეტემ და შემდეგ მასპერომ, კიარის ახლოს—ბულაკში მუზეუმის გახსნით და თავიანთი მრავალი გამოკვლევებით საფუძველი ჩაუყარეს ნეცნიერული ეგვიპტელოგიის. უკანასკნელად, მსოფლიო ომის დაწყებამდის იქ მუშაობდა სპეციალური მისია საფრანგეთის სამეცნიერო აკადემიისაგან გაგზავნილი. ძველი ეგვიპტელი თვინიერი და მორჩილი იყო. მისი მორჩილება განსაკუთრებით რელიგიაში ჩდებოდა.

მრავალ ღმერთობა ჩვეულებრივი მოვლენა იყო. ხელოვნების ისტორიისათვის უფრო მეტი მნიშვნელოვანია შემდეგი ღმერთები, რომელთა მუდმივი სადგომები ანუ ტაძრები მოწმობენ ხუროთმოძღვრების განვითარებას. ესენია: ოზირისი—კეთილი ღმერთი (მდ. ნილოსის გაღმერთება) სეპტ, —ქვესკნელთა სამეფოს ღმერთი, რა—მზე და სხვ. მათ უფრო სწამდათ საიქიო. მათი შეხედულებით, ადამიანი ორი ნაწილისაგან შესდგება, —სხეული და „მეორე პირისაგან“. უკანასკნელს ეწოდება კა, რომელიც ადამიანის სიკვდილის შემდეგ წარსდგება ოზირისის წინაშე სამსჯავროზე. ამ ღმერთებისადმი მიმართულ ჰიმნებში და ლოცვებში მრავალი პოეტური ადგილებია, რომლებიც ნათლად მოწმობენ, თუ რა გავლენა ქონიათ მათ ეგვიპტელთა ხელოვნებაზე.

ეგვიპტელთა ხელოვნება უმთავრესად პირამიდების და საფლავებზე ძეგლების აშენებაში გამოიხატება. ე. წ. „მკვდარის საფანე“ წარმოადგენდა სადგომ ბინასაც, სადაც ეგვიპტელთა რწმენით სცხოვრობდა „დვოინიკი“ „ანუ მეორე პირი“ გარდაცვლილ ადამიანისა, რომელიც უფრო ნაკლებ, ვიდრე ამ ქვეყნიური კვრივი ნივთიერებისაგან შესდგებოდა და რომლის ფერადული და ჰაეროვანი სახე ნათლად გამოსჭევოდა*). პირამიდებს, რომლების მეფეთა ანუ ფარაონთა სასაფლაო ადგილებს წარმოადგენდა, რამდენი ასი და ათასი წლოვით აშენებდა სამეფო დინასტია. ყველაზე უფრო დიდი პირამიდი შეიკავეს 137 მეტრ სიმაღლეს. ასამდე პირამიდებმა შეინარჩუნეს თავიანთი ძველი სახე—მათ შორის სამი შესანიშნავია საოცარი სიდიდით. პირამიდებს ამშვენებდნენ სფინქსები, რომელთა სიდიდე ნათლად მოწმობს, თუ როგორი ლტოლვა ჰქონდათ ეგვიპტელებს გადმოეტანათ ხელოვნებაში ბუნების კოლოსალუმი. შესანიშნავია აგრეთვე ნეკროპოლები. ნეკროპოლის სასაფლაო სამი ნაწილისაგან შესდგებოდა. პირველ ნაწილში ანუ დერეფანში სრულდებოდა რელიგიური პროცესი. მეორე ნაწილში მოთავსებული იყო მუმიის ქანდაკებანი და მხატვრობა, ბოლოსშესამე ნაწილში—სარკოფაგი იყო მოთავსებული, სადაც თვით მუმი ინახებოდა.

ამ ეპოქის ქანდაკების გაცნობისათვის უნდა გავეცნათ ხისა და ქვისაგან ქანდაკებებს, რომლებიც აღმოჩენილი იქნა ბოლო ხანებში და წარმოადგენენ მკვდარ ადამიანის გამოხატულებას. ტენჩიკაში ყოველი დეტალი ისეა დაცული, რომ ქმნის ცოცხალ ადამიანის ილიუზიას. მაგ. („ხის ქანდაკება „რამეკა“, შენახულია ბულაკის მუზეუმში) ეგვიპტელთა ხელოვნებას ახასიათებს ხატოვნობა, რაც აიხსნება მათი რელიგიოზური მსოფლმხედველობით. მხატვრობას ეგვიპტელები ეწოდნენ უბრალო საღებავებით, მაგრამ მიუხედავად ამისა, მათ მხატვრობაში მაინც საკმაო მთლიანობაა დაცული; დეკორატიული ხასიათით და თავისებური მანერის შესრულებით ეგვიპტელთა, მხატვრობა ღირსშესანიშნავ მოვლენას წარმოადგენს ხელოვნების ისტორიაში.

ეგვიპტელთა ხელოვნებაში ხუროთმოძღვრება დიდ როლს თამაშობდა თებისა და საისის ხანაშიც—ამდროის მრავალი ხუროთმოძღვრული ნაშთები შენახულია თების, აბიდოსის, სიუტის და ბენი-გასანის

*) Maspéro „Histoire ancienne des peuples de l'Orient.“

ნეკროპოლებში. ამ პერიოდში ნაშენთა შორის განსაკუთრებით შესანიშნავია მრავალი ტაძრები, რომლებსაც თავისი სიდიდით გაკვირებაში მოჰყავდა მნახელი. ხეივანი, სფინქსების ფიგურებით გარშემორტყმული, გრძელდება ორ კილომეტრს და მიდის პილონამდის, ანუ კარებადმდის, რომლის იქით თვალმწარმატად მრავალი მოწუშენებული მოართულია საკურთხეველი. შესავალს გვერდებზე აღმართულია ორი პირამიდისებური დიდი კოშკები, საიდანაც ამაყთა გადმოყურებენ მოგზაო დროშები, ობელისკები და კოლოსალური სიდიდის ქანდაკებანი. საკურთხეველი ანუ „წმინდა ეზო“ გარშემორტყმულია სქელი და მაგარი კედლით. ეზოში რამდენიმე შესასვლელია. ბოლოში დიდი დარბაზია, რომელსაც უწოდებენ შესაკრებ ზალას. ამ დარბაზს, მრავალი სვეტების გამო, რომლებზედაც ამოყვანილია ზეჰერი, ეძახიან გიპოსტალურ ზალას. აქ იკრიბებოდა ხალხი, როცა მეფე და მთავარი მოგვები ღოცულობდნენ საკურთხეველში, სადაც გამოქანდაკებული იყო მრავალი ღმერთები. ეგვიპტელთა ზელოვნების ისტორიაში ასეთ ნაშენთა ტიპიურ წარმომადგენლათ ითვლება კარნაკის უდიდესი ტაძარი, რომელიც სიგრძით 365 მეტრს აღემატება, სიგანით კი 113 მეტრსა. ამ ტაძრის გიპოსტალური დარბაზი შეიცავს 102 მეტრის სიგრძით და 51 მეტ. სიგანით. კარნაკის ტაძარი ნათლათ ამტკიცებს ეგვიპტელთა ზელოვნების სპეციუფიურ თვისებას, რომელიც გამოიხატება არა ნაშენის ნაწილთა ჰარმონიაში, არამედ ამ შენობის კოლოსალურ სიღებში.

ა. შილაკაძე.

(გაგრძელება იქნება).

სასულიერო პოეტიკა:

იოვანე საბანისძე, ივანე მინჩხი და ფილიპე *)

ფრაგმენტები.

1

მოკვდენ ბრწყინვალე ღმერთები ელადისა და რომის. დაიმსხვრა არმაზის კერპი და მოვიდა ეპოქა ახალი რელიგიის. სხვა ღმერთი დაეპატრონა ადამიანის სულს. ცივი ასკეტიზმი დაეუფლა გრძნობას და ზელოვნური სიტყვაც გახდა მის მსახურად.

იყო ორი ერი, რომლის შემოქმედებაში სავსებით ამოიწურა ანტიური შემეცნება, ესენი იყვნენ ჰელიონი და რომაელნი. ფიდიასის მარმარილოში პირველად იკივლა ჰელიონთა გავიქმეულმა ფანტაზიამ. არსად არ ყოფილა ისეთი დაწვა სილამაზის მაგიური ცეცხლი, არაღვის არ განუცდია სამყარო ისე ძლიერ, როგორც ჰელიონისა.

*) ეს წერილი წაკითხული იყო უფრო გრძლად სახელმწიფო სალიტერატ. წრეში. აქ კი შემოკლებით ვათავებთ.

დიონისოს კულტი და ლამაზი სხეულის მოგვეური თაყვანისცემა ჰელინთა ესტეტიკის უაღრესი ასახვაა. ელინელებმა იცოდნენ ლიტურგიის მშვენიერების, მაღალი სიტყვა ყოველთვის ფოლადის ბრძმედში იყო აღულებული. იმართებოდა ჯირითი ხელოვნების სხვა და სხვა დარგების და იქნებოდა დაუსრულებელი ფანტაზია ავი ჩვენებით ავარდარებულ სულის.

ჰელოდის მეტაფიზიკური აზრის კოსმოლოგიური ელფერი (მსოფლიო, როგორც მთლიანობა)—სოკრატის და პლატონის ფილოსოფიით დამთავრდა. პლატონით და სოკრატით იწყება ქვეშაირი ფილოსოფიის აღორძინება და მათი მნიშვნელობა დღემდე გარდუვალია ფილოსოფიის ისტორიისთვის.

რომი იყო ნიჭიერი მოწაფე ჰელოდის კულტურის და კიდევ ბევრი შეისწავლა მისგან. გარნა ხშირად იმპერიალისტური ზრახვებით იჩრდილებოდა სხივოსნობა მისი.

არის კიდევ ერთი ქვეყანა, რომლის კულტურა, შესაძლოა, წინა მორბედი იყო ჰელოდის და რომის კულტურის. ეს იყო—ეგვიპტე. თავისი გამოუცნობი პირამიდებით, რომელთა იდეალური აზრი ჩემთვის უფრო მეტი მნიშვნელოვანია, ვიდრე გენიოს ფიდიასის მარმარილოს, ან ოვიდიოს ნაზონის პოემები.

ასეთია მოკლედ ანტიური კულტურის ხაზები. აქ, რა თქმა უნდა, სათვალავში არაა სხვა ერები, რადგან მათი კულტურული სახე იკარგება ამ სამ ერთა კულტურის აღისფერ ღრუბლებში. და, ცხადია, საქართველოც არ შეადგენს ბედნიერ გამონაკლისს.

არც ერთს კულტურისან ერს არ ჰქონია ისეთი გავლენა ძველ საქართველოზე, როგორც ელადის და რომს. მართო სტრაბონის და ქსენოფონტის მოგზაურობა საქართველოში და პომპეის ხიდის ნაშთი ბევრს ლაპარაკობენ ამის შესახებ.

ხოლო, როგორი იყო წარმართული საქართველოს კულტურა და, რა ფასი ჰქონდა მას?...—ჩვენ, სამწუხაროდ, ამაზე მსჯელობა არ შეგვიძლია. ვინაიდან არ დაგვრჩენია არც ერთი ძველი, (გარდა ზოგიერთი ხალხური ლექსის) რომელიც ცხად ჰყოფდეს ჩვენ შეხედულებას ამ კულტურაზე.

წარმართულ საქართველოს მთავარი ღმერთი მზე იყო.

მრავალი პოეტი და ხელოვანი ჰსახავდა მზეს, როგორც მშვენიერების მეტოქეს. საგულისხმოა ოსკარ უაილდის სიტყვები, რომელიც მან უთხრა თავის მეგობარს, ალფრედი შებვედრის დროს: „ეხლა მე გაურბივარ ხელოვნებას. მე მინდა ვილოცო მზეზე. თქვენ შეამჩნიეთ რომ მზე სდევნის აზრს? აზრი იძულებულია ჩერაში დაიმალოს. მზე სცხოვრობდა ეგვიპტეში. მზემ დაამარცხა ეგვიპტე. ის დიდხანს სცხოვრობდა ჰელოდაში,—ჰელოდა დაამარცხა მზემ. და ეხლა ყოველი აზრი განდევნილია ნორვეგიისკენ და რუსეთისკენ, სადაც არას დროს არ არის მზე. მზეს ჰშურს ხელოვნება...“

ღრმა დაკვირვება არაა საჭირო, რომ აშკარა გახდეს გენიალურ პოეტის მიერ დაპირდაპირება ხელოვნებისა და მზის.

საქართველო, უპირველეს ყოვლისა, მზის ქვეყანაა. და მზეს უგა-

ლობს ქართული სული: „მზეც შინა და მზეც გარეთა მზეც შინ შემოდისო?“ ეს ლექსი წარმართობის დროიდან მოდის და აქ არის გიჟური ალტყინება მზის სიახლოვის. არის სიჩქარე და მოუთმენლობა. ქართული სული წარმართულია უაღრესად/ დღემდის დარჩა ქარველი ფაცი. „ჩემმა მზემ“. რად სჭირდება ქართველს „მზის“ დაფიცება მაშინ, როცა მას ჰყავს სხვა ღმერთი?... მაგრამ მასში სცხოვრობდა და სცხოვრობს მზე, როგორც ცოცხალი სიმბოლო უკვდავებისა და მშვენიერების. ეს დაუსრულებელი ლტოლვაა სხივოსან მშვენიერებისადმი, რომელიც ასე იმღერება „ვეფხვის ტყაოსანში“.

„მომცეს ფრთენი და აფრინდე მივხვედე მას ჩემსა ნდომასა,

დღისით და ღამით ვხედვიდე მზისა ელვათა კრთომასა“.

დაუპირდაპირეთ ეს ლექსი ზევით მოყვანილ ხალხურ ლექსს და თქვენ მიხედვებით თუ საით მიჰქროდა ქართული სული ამ მხრით დაბეჯითებით შეიძლება ითქვას, რომ შოთამ სინტეზი გაუკეთა ეროვნული სულის ძიებას. და ეს იმიტომ, რომ რუსთაველის, სულის ღრმად ემჩნია სისხლიანი კვალი ცხელი არმაზისა.

მაგრამ წარმართობამაც ნახა თავისი დასასრული. საბედისწერო ვარსკვლავმა აღმოსავლეთის მოგვები ბოლოს ბეთლემში მიიყვანა. მე ვამბობ ქრისტიანობის მოსვლაზე. არაფერს ისეთი დამლუპველი მნიშვნელობა არ ჰქონია წარმართულ კულტურისთვის, როგორც ქრისტიანობას. ფრიდრიხ ნიცშეს თქმით: ქრისტიანობა ცივი წყალივით გადაესხა ჰელადის მზით მოთენთილ კულტურას. და მართლაც: ძირითადი იდეა ქრისტიანობისა: პრობლემა ბოროტებისა, სიყვარულისა და ქვეყნის უარყოფისა—რაიკალად ეწინააღმდეგებოდა წარმართულ კულტურას. ქრისტეს შემდეგ საბერძნეთის კულტურა უკან დაეჭანა და დაიწყო ახალი ეპოქა ახალი ღმერთებისა და ახალი ძიების.

2

საქართველოში ქრისტიანობა საბერძნეთით შემოიჭრა და დაიძრა არმაზის მთიდან ეროვნული კერპი. ამ დღიდან იწყება ბრძოლა ორი რწმენის შორის. ეს ბრძოლა დღესაც არის და წარმართული ნიღაბი ქართულ სულს ჯერ არ ჩამოუშორებია. ქრისტიანობის პირველი ეპოქის მწერლობა და კერძოთ, პოეზია საეკლესიო იყო. ასე იყო ყველგან. ასე იყო ჩვენშიც.

სასულიერო მწერლობის პირველი ნიმუში მე-V საუკუნეს ეკუთვნის. ეს იყო: „წამებაა წმიდისა შუშანიკის“.

რაში გამოიხატა ზოგადი თვისება სასულიერო პოეზიის?... ქრისტიანობის იდეის განმტკიცებაში. არის ღმერთი ერთი, —მაგრამ საშპიროვანი. ქრისტეში განკაცდა ღვთაებრივი ბუნება. ქრისტე იყო ღმერთ-კაცი, კაცობრიობის ცოდვების გამოსახსნელად მოვლინებული. ქრისტიანობის უპარატესობა—ქრისტეს აღდგომაში გამოიხატა და უამისოთ, ცხადია, თვით ქრისტიანობაც დაჰკარგავდა ყოველ აზრს, როგორც რელიგიური სისტემა. მთელი ქრისტიანული ღვთის მეტყველება ამ აზრის გარშემო ტრიალებს და ყველა თვალსაჩინო სასულიერო მწერლები, უპირველესად ყოვლისა, ამ აზრს განამტკიცებდნენ თავის ნაწერებში.

რადგან კარგად ესმოდათ, რომ თუ ქრისტეს გვამს ისეთივე ბედი ეწვია, როგორც ჩვეულებრივს მომაკვდავს. — ქრისტიანობას რაღა ფასი ექნებოდა. ჩვენი სასულიერო პოეტები ქრისტეს აღდგომას ნახევარზე მეტად გილს უთმობენ თავის საგალობლებში. ისინი ვრცლად სარგებლობდნენ იმ საღმრთო წერილის მდიდარი მასალით, რომელიც მათ ხელთ ჰქონდათ, ბიბლიის სახით. მაგრამ, გადავიდეთ თითონ პოეტებზე. სასულიერო პოეზიის ზანდუკის გახსნისას, პირველად პოეტი იოვანე საბანის ძე გვხვდება.

მისი ნაწარმოებია: „წამებაჲ წმიდისა მოწამისა პაბოჲისი“. პოეტს ეს ნაწარმოები ქართლის ქათალიკოზის სამოელის შეკვეთით დაუწერია, აბოს ხსენების დღისთვის. („მოვედით მორწმუნენო ქრისტეანო—ეკყოფდეთ ხსენებასა წმიდისა აბოჲისსა“).

ეს ნაწარმოები მთლიანად საგალობელია და შეიცავს: წინასიტყვაობას, შინაარსს და ბოლოსიტყვაობას.

წინასიტყვაობაში ავტორი მოუწოდებს მორწმუნეთ წმინდა აბოს დღესასწაულზე. აღარებს წმინდანს პავლე მოციქულს, რომელსაც ასეთივე ბედი ეწვია (თავი მოჰკვეთეს ქრისტეს აღსარებისთვის). სხვათა შორის, ავტორი დაახლოებული პირი ყოფილა აბოსი. ის ამბობს: („შემიყვარე მე ქრისტესს მიერითა სიყვარულითა ვიდრე იყავლა სოფელსა შინა ჩვენსაო“). ავტორის აზრით აბოს წამებას ორნაირი მნიშვნელობა აქვს.

ერთი: თითონ აბოსთვის აქვს ის მნიშვნელობა, რომ „ამიერიდან მას ცეცხლის მზგავსი სამოთხის მცველი ქურუბიძემბი სამოთხეში შესვლისას ველარ განიკითხავენ“.

მაგრამ მეორე და, მასთან, მთავარი მნიშვნელობა აბოს წამების გამოიხატა აი რაში: „შენ გამო წმიდაო, მოწამეო, სიყვარული იგი ქრისტესი ჩვენდამო და სარწმუნოებაჲ ჩვენი მისა მიმართ კვალად განახლდა, რამეთუ აღვერიენით ერსა უცხოსა. სარწმუნოებისა ჩვენისა მაგინებელსა. ესლა კი: „სწავლულნი უფროჲს გულის ხმიერ ჰყვენ, შერყეულნი (რასაკვირველია სარწმუნოებაში) უფროჲს განამტკიცენ. განმტკიცებულნი—გამხიარულდნენ. შემდეგ შინაარსში:

აწერაა წამების: სამჯერ მიმართვის შემდეგ, რომ მას, (აბოს) უარყო ქრისტიანობა და მიეღო სჯული აგარეთანთა—აბოს მოჰკვეთეს თავი და მისი სხეული დასწვეს. ეს მოხდა დედა ქალაქ ტფილისში.

პოეტს აქვს ლამაზი სტილი: „ნაკვერცხალსა მას ზედა ცეცხლისასა აღვიდოდა ვითარცა სულნელებაჲ საკმეველთა ზორცთა მგვათ შენთაჲ“. აქვე არის მაგარი თქმა: „ვითარ აღმევსოს მე გული სისხლითა“. არის რიტმიც: (აბო) „ხედვიდა მახვილს აღმართებულსა“ და სხვა...

სასულიერო პოეზიის კრიალოზნის მეორე ძვირფასი მარცვალი ივანე მინჩხია. მას ეკუთვნის: „დასდებელნი წმიდისა აღდგომისნი“, სადაც გამოხატულია ის აზრი, რომ ღმერთმა ადამიანის ცოდვის გამოსასწნელად მიიღო კაცობრივი ბუნება, ვნებით ივნო და თავის აღდგომით აღადგინა ადამიანი.

როგორც იესო ქრისტეს მოციქულნი, აგრეთვე ივანე მინჩხიც

იესო ქრისტეს აღდგომაში ხელავეს თითონ იესოს ნაწინამეტყველების ასრულებას.

ამავე ავტორს აქვს: „ხსენებაჲ ღმრთივ გვირგვინოსანი მეფისა, თევდოსი, მორწმუნისა, სასწაულთ მომქმედისა“ და „წმიდა მამის ექვთიმეს საგალობელი“. რომელნიც განსაკუთრებულ ყურადღებას არ იპყრობენ მაინცა და მაინც.

მინჩის საგალობლებში აღსანიშნავია გარეგანი მხარე, — (ფორმა), არის ასეთი ლექსის წყობა.

„ჩემ თვის დაადგრა ქათწულის საშოსა,

„მეორე მიზეზი ყოველთა მიზეზთა“

რამეთუ მიხილა მე ქმნილი თვის ხატად“ და სხვა.

აქ არის დაცული რითში მაგრამ ურითმოდ ლექსი თორმეტ მარცვლოვანია და აქვს აგრეთვე ასეთი სახის ლექსიც:

„მიიღებენ მართალნი,
ქრისტეს ნების მყოფელნი.

აღთქმასა მას ჭეშმარიტს —
პირითა მით უტყუელთ და სხვა.

მაგრამ რითმა არც აქ გვხვდება. ამ მხრით ლექსის ტექნიკაში ყველაზე მეტი მიღწევა პოეტს ფილიპეს აქვს. მისი ლექსი, რომლის სათაურია. „ფილიპე“ შეიცავს სულ 13 სტრიქონს. სტრიქონებში არის არეული ლექთწყობა. მაგრამ თავიდან ბოლომდის სალექსო სტრიქონში დაცულია 16 და 17 მარცვლოვანი ლექსის ზომა.

ეს ლექსი იწყება ასე:

„ფესვთა მათგან ოქროვანთა შემკული ხარ შენ ქალწულო,

„იაგუნდის ძოწეული სამოსლად გაქვს ღმრთის მშობელო.

ლამპრითა მით ბრწყინვალითა მოგეგებვით დედოფალო,

ითხოვე შენ მოტყეება ბრალთა ჩვენთა დედოფალო და სხვა...

როგორც ხედავთ ეს ლექსი ფორმის მხრით უკვე გამართული ტექნიკა ფერდ წოდებულის შაირულის. ამ ლექსის პოეტური მხარე თითქმის მთელ სასულიერო პოეზიაში უმაღლეს განვითარებას აღწევს. მაგალ. „იაგუნდის ძოწეული სამოსლად გაქვს ღმრთის მშობელო“. მეტად ლამაზი სახეა.

დასასრულ, აღსანიშნავია ერთი საუკეთესო თვისება ამ სამი პოეტის: ეს არის მათ საგალობლებში დაცული ქართული ენის თვალის მჭრელი სამკაულები. გარდა ამისა ყველა სასულიერო პოეტები ერთი დროშის ქვეშ მიდიან და ამ დროშა აწერია: ქრისტიანობის იდეა:

მაშინდელ საქართველოს უმთავრესად ქრისტიანობის იდეა ახსიათებდა და ამ მთავარ იდეასთან იყვნენ დაკავშირებულნი სხვა იდეებიც. მაგალითად, სამშობლოს იდეა. რჯულის მოღალატე სამშობლოს მოღალატედ ითვლებოდა და ისტორიამ იცის ბევრი მაგალითი, როცა რჩეულნი მამულიშვილნი სჯულისთვის თამამად ადიოდნენ სახრჩობელაზე და კოცონზე.

თუნდაც სასულიერო პოეზია არ არის მდიდარი იდეათა მრავ-

ვალ ფეროვნებით, მაგრამ როგორც არ უნდა იყოს ჩვენ მიერ მისი დაფასება ცხადია, რომ სასულიერო პოეტებმა მოიტანეს ჩვენს პოეზიაში ის ძვირფასი ქვები, რომლითაც რუსთველმა ააშენა უკვდავი ძეგლი და, რომელიც კიდევ ბევრ საუკუნეს იქნება ქართული ხელოვნების სიამაყეთ.

ვასილ გორგაძე.

ტფილისი, 1919 წ.

აბენის სიონი *).

ატენის სიონი, ხელოვნებისა და ხუროთმოძღვრების მხრივ უძველესი ტაძართაგანია საქართველოში. იგი მდებარეობს გორის მაზრაში, ატენის ხეობაში, მდინარე ტენის ნაპირას. ეს კუთხე ქართლისა განთქმულია თავისი ბუნებრივი სილამაზით. ატენი, ძველად ციხე-ქალაქი, დღეს წარმოადგენს ნანგრევებს, რომელზედაც გაშენებულია სოფელი ატენი. ნანგრევთა შორის ჩვენამდე მოუხწევია სამიოდე ეკლესიას, რომელთა შორის, შედარებით, კარგად შენახულა დიდებული ატენის სიონი. ატენის სიონი არქეოლოგიურად განხილული და აღწერილი აქვთ შემდეგ პირებს: დ. ბაქრაძეს „Кавказъ въ древнихъ памятникахъ христіанства“ გვ. 31 წიგნი I, მურავიოვს „Грузія и Арменія“ ნაწ. III, გვ. 102, გრაფინია უვაროვისას „Материалы по Археологіи Кавказа, Христіанскіе памятники“ вып. IV; მარი ბროსეს თავის „Rapport“ (3-е р. 22—23.; დიბუას „Voyage autour du Caucase“ III, 210—218, ივანე ჯავახიშვილს კრიტიკულად აქვს განხილული ატენის სიონის წარწერები თავის „Христіанскій Восток-ში“, ტომი I, გვ. 277—297 და ხელოვნების მხრივ შესწავლილი აქვს კონდაკოვს თავის წიგნში „Древняя архитектура Грузіи“. გვგმა ატენის სიონისა არის ჯერის მსგავსი, გუმბათიანი და თლილის ქვით ნაშენი. იგი აშენებულია ღვთის მშობლის მიძინების სახელზე და მიტომ, ჩვეულებრივ, უწოდებენ სიონს. კედლების გარე პირზე არის წარწერებიანი შემდეგი ქანდაკებანი: სამხრეთის კარის ბეჭზე გამოქანდაკებულია ორი სახე ადამიანისა, გრძელ აღმოსავლეთურ ტანისამოსში, კიდევ ზევით გამოქანდაკებულია ორი ქალი მოსახვეწი გამოხეული, მათ ქვეშ სამი წარწერა; პირველი გრძელი ასომთავრული წარწერა, შემდეგ სომხური და კიდევ ქართული წარწერა, თითქმის წაშლილი. პირველი გრძელი ასომთავრული წარწერა წაკითხული აქვს მარი ბროსეს ორჯერ, ერთ მეორისაგან ცოტა განსხვავებით და შესწორებით, ბაქრაძეს, თ. ჟორდანის თავის ქრონიკებში 1 წ. გვ. 203, და ბოლო ხანებში ივ. ჯავახიშვილს, რომელიც ცოტა განსხვავებულად ჰკითხულობს აღნიშნული წარწერის ზოგიერთ ასოებს და მოკავს საყურადღებო ისტორიული და ლინგვისტური ცნობანი წაკითხულ ტექსტის სისწორის დასამტკიცებლად.

*) წაკითხულია საარქეოლოგიო სემინარში.

წარწერა იკითხება ასე:

- 1) სახელითა ღმრთისათა მე გ'რგვლმან მირიანის ყმამან.
- 2) თარხონის ძისა მან ატენისა ციხის თავმან ავავენ სახლნი.
- 3) და ქოლბაკი მის ყამსა ოდეს აღიდენ ღმერთმან ძლიერმან მეფეთა მეფემან.
- 4) ბაგრატ უბრძანეს მინასა მათსა მირიანს პატრონსა ჩემსა.
- 5) სეფესა ზოკარსა შიდა ქალაქსა შენებაი გოვმარჯჯა ღმერთმან.
- 6) და ბედმან მეფობისა მათისა მან ვითა სწადდა მეფობისა მათსა მგრე.

7) ავაშენეთ დარბაზი და ქალაქი შეგვეწყალნა მეფობამან მათმან სახლენი ადგილნი და საქოლბაკენი.

8) მკვდრად ნებეირობით გვბოძნა მირიანს და ყმათა მისთა რომელთაცა შენებაჲ.

9) შენებაჲ შექმლო და მე ავაგე სახლი და ქოლბაკი და შევწირე წმიდასა სიონსა ატე.

10) ნისსა საყოფელსა წმინდისა ღმრთის მშობლისსა სალოცველად ჰლანმცა ოკონისამდე ძრიელი მე.

11) ფეთა მეფე ბაგრატ სევისტრისი და ძე მათი გიორგი კოვრა-პალოტი და სალოცველად სულისა მირთან მიწისა მათისა.

12) გამზდელსა პატრონისა ჩემისა თუნ დავედვ დღე თვედრობაჲ ალა.

13) ჰად გარდაიხდიდეს მამასახლისი წინამძღვარი სიონისაჲ ვინცა იყოს ქრისტე შეიწყალენ.

სომხურ წარწერას სპეციალისტები, გრაფინია უვაროვის გამოცემაში, კითხულობენ: „მე როსოკი, აღმაშენებელი წმიდა ეკლესიისა“. მურავიოვის აღწერაში ნათქვამია, რომ სომხურ წარწერაში, ტაძრის მაშენებლად დასახელებულია ვილაც პავლეო. ხსენებული სომხური წარწერა წაკითხული აქვთ დიბუას, ბროსეს და ივ. ჯავახიშვილს ამგვარად: „მე თედოსი... აღმაშენებელი წმიდა ე. ლესიისა“. უკანასკნელი, თითქმის წაშლილი წარწერა, იხსენიებს ბაგრატს.

აღმოსავლეთის კედელზე გამოქრილია სამი ფანჯარა, ჩუქურთმიან თაღებით შემკობილი. ფანჯრის თაღზე გამოქანდაკებულია ადამიანის სახე, რომელსაც თვლიან ბაგრატ IV. ის აღმოსავლეთურ სამოსელშია, თავი მოპარსული აქვს, ზედ პატარა ქუდი ხურავს და ხელში უკავია ეკლესიის გეგმა, მის ცოტა ზევით ანგელოზის ნახევარი ფიგურა მოსჩანს და გვერდით მსგავსივე ჩაცმულობის სახეა გამოქანდაკებული. ჩამოთვლილ ქანდაკებათა ქვეშ გამოქანდაკებულია სხვა და სხვა სიმბოლური მნიშვნელობის ფრინველები. მათ შესახებ მურავიოვი თავის აღწერაში ამბობს: „რომ გამოქანდაკებული პირები არიან ბაგრატი თავის მეუღლით, რუსუდანი მეფე თამარის ქალი, რომელმაც განაახლა ეკლესიაო“.

ჩრდილოეთ კარის თაღის გვერდებზე გამოქანდაკებულია ირმები, რომელთაც თავის მხატვრულ თავისებურობით ალტაცებაში მოჰყავს კონდაკოვი, ის ამბობს: „ყველაზე საინტერესო ნიმუშს, ქართველთა ძველი სარწმუნოებრივი ქანდაკების წარმოდგენს ჩრდილოეთ კარების გვერდებზე გამოქანდაკებული რგოლისებრი რკალი, რომელიც გა-
მოსახავს ქურქელს წყლით და წყლის მსმელ ირმებს, რაც წარმოადგენს

სარწმუნოების სიმბოლიურ გამოხატულებასა“. ამავე მხარეზე, სახუარავის ქვეშ, გამოქანდაკებულია სახე თვით ეკლესიის აღმშენებლისა, რომელიც მუხლ მოდრეკით სდგას მაცოვრის წინაშე, ქანდაკება მეტად დაზიანებულია.

• ჩრდილო-აღმოსავლეთ კედელზე გამოქანდაკებული არიან: სამსონი, გამგლეჯი ლომისა, წმ. ევსტაფი, ირმებზე მონადირე და ვალაამის ვირი, მეტად დაზიანებული წარწერით. ამავე მხარეზე, მოგზაურ მურალოვის თქმით, ყოფილა ბერძნული წარწერა. დიბუა მოგვითხრობს, რომ მას ამავე გვერდზე სლავური წარწერაც უნახავს, მაგრამ არც ბერძნულს და არც სლავურ წარწერას ჩვენამდე არ მოუხწევია.

ახლა გადავიდეთ ატენის სიონის შინაგან მოყვანილობის აღწერაზე. შიგნით ტაძარი თავის მოყვანილობით ვარსკვლავის სახისაა.

აღმოსავლეთით მოთავსებულია სამსხვერპლო და საღვთაწმინდე. კანკელი ნაშენია ნარეკ ქვისაგან და ხუთ თალიანია. მის საძირკველს შეადგენს ფერად მარმარილოს სვეტების ნანგრევები, რომლის დაბოა გვერდებზე ჩაშენებულია საუცხოვოდ დაწნული ჩუქურთმისანი ჯვრები წარწერით, რომლის წაკითხვა ფრიად საძნელოა და გადმოღებული აქვს კალვის საშუალებით გრაფ. უფაროვისას. წარწერა ასო მთავრულია, თავი და ბოლო პწკარი არ იკითხება, ორი შუა პწკართაგანი იკითხება ასე: „... მსახურად წმიდისა ღმრისა შენისა ტაძრისა: ყოვლად წმიდაო ღმრისა მშობელო“, ტაძრის შინაგანი მოხატულობა მეტად მშვენიერია. უმეტესი ნაწილი ფრესკებისა კარგად შენახული თავიანთ წარწერებით. კარგად არის შენახული ღმრისა მშობელი ორი ანგელოზითურთ საკურთხევის ცაზე. სამხრეთით შემდეგი ფრესკები მოსჩანან: იოსების სიხმარი, მოგვთა თაყვანისცემა და ხარება, რომელშიაც გამოხატულია თეთრ სამოსლიანი ანგელოზი უკანასკნელის შესახებ მოგზაური მურავიოვი ამბობს: „ანგელოზის მხატვრული გამოხატულება მეტად შესანიშნავია თავის სიმშვენიერით, იგი ღირსია თანამედროვე მხატვართა მიბაძვისა“

დასავლეთით გამოხატულია სამი ხიდი წმიდა მამათა სამოთხის ხეებში. ამავე მხარეზე, მიწიდან ოთხი არშინის სიმაღლეზე, დაცულია მეტად მნიშვნელოვანი თარიღიანი წარწერა, რომლის ტექსტი წაკითხული და გამოცემული აქვთ თავიანთ ნაშრომებში მარი ბროსეს, დიმიტრი ბაქრაძეს და უკანასკნელ ხანებში ივ ჯავახიშვილს. მაგრამ თითოეულ მათგანს თავისებურად და განსხვავებულად აქვთ წაკითხული, ჩვენ მოვივიწყებთ აქ ივ. ჯავახიშვილის მიერ წაკითხულ წარწერის ტექსტს, რომელიც დასურათებულია მრავალი ისტორიული საბუთებით:

- 1) თთოვესა აგოვსტოსსა ე-სა: ღმრისა შაბათსა;
- 1) ქორონიკონსა ო-გსა ისმაიტელთა (?) წმელსა ს-ლთსა;
- 3) ქალაქი ტფილისი დანოვა ბოვლა: და შეიპყრა.
- 4) ამირაჲ საჰაკ და მოვიდა: და მასევე თთოვესა.
- 5) აგოვსტოსსა ვ-სა ღმრისა შაბათსავე ზირაქ.
- 6) შეიპყრა კახაჲ და ძ-ს მისი თარვოვე.

ატენის სიონის ზოგად აღწერილობის შემდეგ, ჩვენ უნდა გამოვარკვიოთ, თუ რომელ საუკუნეშია იგი აშენებული და ვის მიერ. ამ

საკითხის გამოკვლევას ეხება დ. ბაქრაძე და ემყარება 853 წ. წარწერას. და ატენის სიონის აშენებას იგი მიაკუთვნებს VII—საუკ. მცხეთის ჯვრის ეკლესიასთან ერთად. თავის საქართველოს ისტორიაში გვ. 218—219, ბაქრაძე ამბობს: „ატენის სიონის ეკლესია თავისი სასუროთმოძღვრო და საქანდაკო სტილით, გუმბათის მოყვანილობა და თვით გეგმა მოგვაგონებენ ჯვრის მონასტერსა მცხეთის პირის-პირს და იმ დროსა, რომელსაც ეს უკანასკნელი ეკუთვნის, ესე იგი მე VII—საუკ.“ დიბუას ჰგონია, რომ ტაძარი აშენებულია ბაგრატ II გარდაცვალების წელიწადს და ამყარებს თავის მოსაზრებას ან არ არსებულ ბერძნულ წარწერაზე ე. ი. 993 წ. ამავე აზრს იმეორებს მურავიოვიც. მარი ბროსე ემყარება ეკლესიის სამხრეთ წარწერაზე, სადაც მოხსენებულია მეფე ბაგრატი და ამბობს, რომ ატენის სიონი აშენებულია ბაგრატ IV. (1027—1072) და მისი შვილის გიორგი II მიერ (1072—1087). ამავე საკითხს უფრო ვრცლად ეხება ივ. ჯავახიშვილი ეურალ „Христiаоскiй Востокъ“-ში, ტომი V გვ. 277—297. გამოცემა 1912 წ. რომლის აზრით ატენის სიონი პირველად ბაზილიკა უნდა ყოფილიყო, შემდეგში უგვიანეს 853 წლ. ის გადაუკეთებიათ სიონად ე. ი. ჯვრის გეგმაზე, რასაც ნათლად ამტკიცებს გუმბათის მოყვანილობაო. თვით აღმშენებლის ქანდაკებაც ამტკიცებს ამ დებულებას, მას უჭირავს ხელში ეკლესიის გეგმა, საიდანაც ნათლად სჩანს, რომ ის თავდაპირველად ბაზილიკა ყოფილა“. თუ როდის, ან ვინ გადაკეთა იგი ჯვრის გეგმაზე ჯერ-ჯერობით ამის თქმა, ივ. ჯავახიშვილის აზრით, მეტად ძნელია. საერთოდ კი, საკითხი ატენის სიონის აშენებისა შეუძლებელია გადასწყდეს პალეოგრაფიულ წარწერათა დამყარებითა და ამიტომ ჯერ-ჯერობით ღიად უნდა დარჩესო. სომხური წარწერის მიხედვით ეკლესიის აღმშენებელი ვილაც თოდესი სომეხი ყოფილა, მაგრამ ამის თქმა დანაშაულებით ძნელია, რადგანაც ჯერ კიდევ გამოსარკვევია, მოხსენებული პირი პირველი აღმშენებელი იყო ტაძრისა, თუ მისი გადაკეთებელი. დიბუა ემყარება სომხურ წარწერას და თვით ტაძრის გეგმას და ამბობს: „რომ გეგმა ატენის ტაძრისა სომეხ არქიტექტორს აღებული აქვს ეჩმიაძინის წმიდა რიფსიმეს ეკლესიიდანო, ამგვარ ტიპის ეკლესიები ბევრია საქართველო და სომხეთშიო, ატენის სიონის გუმბათი წმიდად სომხურიაო“. კონდაკოვის გამოკვლევით კი, ატენის სიონი ბიზანტიური ტიპისაა. ქართულ ტაძრებს გეგმისა და სტილის მხრივ იგი ჰყოფს მათ ოთხ პერიოდს. პირველ პერიოდს ის უწოდებს ბიზანტიურს და ამ ხანას აკუთვნებს: ატენის სიონს, ჯვრის მონასტერს და წმიდა რიფსიმესი ვაკარშაბატში. კონდაკოვი, თავის ნაშრომში „Древняя архитектура Грузии“-ში ამბობს: „სრულიად დამოუკიდებელი მნიშვნელობა აქვს ძველ გამოქანდაკებულ ხატებს ატენისა და ჯვრის ეკლესიის კედლებზე, რომელნიც თავიანთ შინაარსით და მოყვანილობით ბიზანტიური წარმოშობისაა, გმნსაკუთრებით შესანიშნავია ატენის სიონი, რომლის ზოგი ქანდაკებანი უფრო ძველია თვით ტაძარზე, ზოგი კი მისი თანაჰედროვეა“.

როგორც ხედავთ, ატენის სიონის აშენების თარიღის და გეგმის გამოკვლევაში სწავლულთა შორის არსებობს აზრთა სხვა და სხვაობა.

საქიბის საბოლოოდ გადაჭრა შესაძლებელია მხოლოდ მაშინ, როდესაც მეცნიერულად შესწავლილი იქნება საერთოდ როგორც ქართული პალეოგრაფიულ წარწერათა ხასიათი, ისე ზუროთმოძღვრების და ხელოვნების განვითარების ისტორია ძველს საქართველოში.

ს. მაკალათია.

22 თებერვალი, 1920 წ.

სოცხალ თაიგული

აქ გაზაფხულმა შემოიხედა
და ყვავილებმა ასტეხეს სთველი;
წყალ-საფხე თასი მოვიდგი მეცა
და ბაღებიდან თაიგულს ველი!

ეს მერამდენე გაზაფხულია
ჩემს ცხოვრებაში? მე აღარ ვიცი!
გადამეკიდა ვაი-ვაგლახი,
თან დამდეგს როგორც ძმად განაფიცი.

აღარ მჭირდება მე თაიგული,
აღარ მჭირდება მე ყვავილები;
დამავიწყდება ვაი-ვაგლახი,
თუ ატიტინდენ ჩემი შვილები...

დედა ჩვილს ჰკოცნის, სუნნელით სტკებმა
ცოცხალ თაიგულს რა შეედრება?!

ბაბილინა.

მგზავრი.

ვით ასული თვალ-ჟუჟუნა, ნაზი ზუქუქ თმიანი,
იკაზმება საზეიმოთ მთები ტეფრი ტყიანი.
გაზაფხულის სადღეგრძელოს ნამით სავსე თასებით
სვამენ ლოთი ყვავილების ვნებიანი დასები.

აქ, ბუნების ლალ ზეიმზე, დაღვრემილი, მღუმარი,
გამოველი მე შემთხვევით მგზავრი, უცხო სტუმარი.
და გავყურებ დაფიქრებით დაბლა ველებს, მალა მთებს,
მაგრამ... ღმერთო! ვინ ჩასწვდება ბუნების ღრმა ლეგენდებს.

და მივდივარ მე ჩემს გზაზე, ყვავილნიც მიმყვებიან,
მთები თვისი ლეგენდებით ისევ იქა რჩებიან...
და მივდივარ მე აქედან ჩემის თანამგზავრებით,
თუმც არ ვიცი აქ რად მოველ, ან სად მივემგზავრები.

ღრუბელი.

ღელვა

ზღვა ფორიაქობს, ზვირთთ მღევეები იქოჩრებიან,
იმუქრებიან ალტყენილი, მხრებ ალფილი,
ფაფარ აყრილნი ნაპირებთან ინარცხებიან,
უცებ ჰქრებიან... ისმის გრგვინვა, გიჟი სიცილი...

ზღვა ადის, ჩადის ანათრთოლი, ბორგავს, ირხევა,
ამოიხევა აქ-იქ ტალღა, წამოზვირთდება,
ყალყზე შესდგება, ხუჭუჭდება, თეთრად ირღვევა,—
—უხვად იქცევა თეთრი სისხლი—ზვირთი რო კვდება.

კლდე-ნაპირებთან ღრიალია, გმინვა, გრიალი,
ზღვა გიჟი, მთვრალი ზვირთთ ყუმბარებს სტყორცნის ნაპირებს,
წარღვნას უპირებს, მაგრამ უცებ ერთმევა ძალი—
—ტალღათ ფართხალი ნაპირებთან კენჭებს ატირებს...

ზვირთები ისევ მძიმე გორვით იგრაგნებიან,
უცებ სდგებიან და მოჰქრიან სრბოლით მსუბუქად,
შორით მსუბუქად მონაქროლი უცებ სკდებიან—
—წყლის თეთრი მტვერი გაეკვრება ნაპირს ბუჭბუჭად...

კვდება ზვირთები—თეთრი სისხლი სდით მსუბუქ ქაფად,
მაგრამ მარქაფად ირახმება კვლავ სხვა ზვირთები,
ჟინ ანანთები ნაპირისკენ მოჰქრიან სწრაფად.—
—არ-რა უჩნთ ჯაფად, ოღონდ შესძრან კლდე-ნაპირები...

ი. სინარულიძე

სინფარი მაღაში

მე ხშირად ვეტრფი ჰაეროვანს, ოცნებით ნახულს.

ეს მაცდურ ტანის ახელებით ყველას აჰარბებს.

სალამობით ვით მეძავი იღებავს წარბებს

და ცისფერ კაბით იმოსება ყოველ გაზაფხულს.

ქრელი თვალების ელვარებას, მზერა გამახულს

უიღბლო ყოფნით მწარე ბედი ხშირად მახარბებს,—

მაგრამ საყვედურს ჩემ ქალბატონს გული ვით ჰკადრებს,—

ვგავარ ცოდვილ ბერს განაწამებს, დიდი ხნით მარსულს.

როცა ღამდება—შემოვიღოს კაფეებს... ქუჩებს.

კეკლუცობს ნაზი, თან ცბიერად ყელს მოიდერებს,

ქარვის თითებით ათამაშებს ზამბახის ღერებს

და მკრთალი ღიმით ოდნავ აპობს ხავერდის ტუჩებს.

ახ, რო მწყალობდეს ჩისი ეშხი და სიძვირფასე—

არ ვიქნებოდი მე ბედისგან დასჯილი ასე!..

ვ. გოგვაძე.

„არ-მსა“

სიზმრის სარკეში დაგინახე უცხო ქალაქი,
უსიერი მთის ერთ კალთაზედ გაშენებული.
ეზოებს ირგვლივ უფარავდა მწვანე ბალახი,
მზიბლავ არშიად ევლო ბაღი გამშვენებული.

იქ მთის ჰაერი იყო ისე ხალვათი, ლალი...
და ზესკნელიდან ოქროს ფარით გაბრწყინებული
გადმოჰყურებდა სიყვარულით ფირუზის თაღი—
რომ ყოველივე იყო ეშხით გარინდებული!..

მაშინ ყრმა ვიყავ. თვალში მეცა მისი სხვაობა.
ვკითხე მის მცხოვრებს, სიზმარეულს, მონარნარესა:
„კაცს აქაც ელის სიკვდილი და არარაობა“?..
მან მიბასუხა: „ამ ჩვენ ქალაქს ჰქვია „არ-ესა“,

და შენს ნათქვამზე შორეული მხოლოდ გვაქვს ცნობა:
აქ ბევრიც სძებნო, ვერვის ნახავ მგლოვიარესა!“...
გამომეღვიძა... მაგრამ ჩემი ფიქრი და გრძნობა
დღესაც თავს დაჰტრფის ერთხელ სიზმრად ნახულ არესა!

ს. აბულაძე.

2

(ეტიუდი)

რა მშვენიერი ღამეა!

მთვარე მწუხარედ ანათებს. იგი მიცვალებულის სახესავით არის ჩა-
სვენებული თეთრ იასამანის ღრუბლებში და ცივი, სასიკვდილო ღი-
მილით სწამლავს ყოველივეს.

ქვის მრავალ სართულიანი სახლები ცივად ინაკვთებიან ღამის ფონ-
ზე. ქალაქი ქვის უზარმაზარ გულჩათბრობილ აკლამასა ჰგავს, სადაც
ეს უძრავი სახლები პაპიროსის ყუთებივით უწყსრივით ჩაუყრიათ და
თეთრ კუბოებს მიემსგავსებიან.

შორს ხანდასმით მატარებლის ცივი კივილით ისერება ჰაერი. ელექ-
ტრონები სისხლნაკლებ სინათლით ციალებენ და ქალაქის ხმაურობა
ყრუდ და დამაფიქვრელად მოისმის.

ყველას სძინავს.

მხოლოდ მე მღვიძავს და ვწოვ შუაღამის შავგვრემან შხამიან ძიძუს.
იქვე გვერდით მიცვალებული მამამა მისვენია...

წინ კი სახელმწიფო გამოცდები ვალად... წარსულში და აწმყოში

სტუდენტური შავი ღღერები და სასოწარკვეთილება. მშიერ კუჭზე სან-სუსის პრინციპებზე ოცნება და გედებით მოლივლივე ტბაზე ფიქრი... და ეხლა ეს უკანასკნელი მიძიმე დაკვრაც და ჰქრება ყოველივე.

„იყავი კლდესავით, შვილო, და გახსოვდეს სამშობლო მსხვერპლს მოითხოვს!..“ — მწერდი, ძვირდასო მამავ, იქ, იმ ცივსა და ნესტიან ქვეყანაში და, რა ვიცოდი, ეს მსხვერპლი თუ შენ იქნებოდი...

კოშკის საათმა ორი დაჰკრა...

ცოტა აცივდა კიდევც...

იმ ოთახში, სადა მამა ასვენია, წმინდა სანთელი პეპელას ფრთავით ფართქალობს და მიცვალებულის ქალარა წვერებს ხან გაანათებს და ხან მიაბნელებს და ამ სინათლის თამაშზე თითქმის მისი საუკუნოდ გაციებული ბავშვები რაღაც იღუმალს, უკვდავსა და საშინელს ამ ცივი უკვდავებით ჩურჩულობსო.

ღამე კი ისევ ისეთია, როგორიც მის სიცოცხლის დროს იყო. ოო, მამა, რამდენს სწყევლიდი ამ გრძელ შარა ღამეებს, რომელნიც შენ ავად-ყოფობის დროს გულს გიღონებდა. რა დიდ ტანჯვა-წამების ხარჯზე ისვენებს თურმე ამ ბნელ ღამეებში ხალხი!..

დღეს ჩვენთან ნათესაობა და მოკეთეობა მოვიდა. აქამდისინ ეს ხალხი შენს მორჩენაზე ჰფიქრობდა და ეხლა კი შენს გასვენებაზე სწუხს.

აქ არის ყველა, მოხუცმა დედამ მთელი დღის წუწუნითა და ფუს-ფუსით, ჩამქანარ ხილივით მოღლილ თვალებით მიიძინა, აქ არის ლენაც, ის ლენა, მამაჩემო, შენ რომ მეხუმრებოდი ხოლმე, ისიც აქ არის...

უეცრად იმ ოთახიდან, სადაც ქალები იწვნენ, ვიღაც გამოვიდა, გამოვიდა, ნახევრად შიშველი, გრძელი კულულები უკან გადუყრია და მოდის ფრთხილად, ფეხშიშველი, ღამაზე ფეხებით.

ლენა!.. ნუ თუ შენა ხარ, ლენა, აქ რა გინდა!..

— ვახტანგ!.. გძინავთ? — მეკითხება იგი წყნარად.

— არა, ლენა, მაგრამ აქ რა გინდა, მერე ასე... გაცივდებით!..

— მე მეშინია, ვახტანგ, მეშინია!.. — ამბობს ქალი ცახცახით და ჩემს ლოგინზე ჩამოჯდა.

მთვარე კი გვანათებს ორივეს აივანში წყნარად, და გესლიანად იღიმება, მისით განათებული ქალი ტურფა ალსა ჰგავს წყლიდან ამოსულის და ფლატეზე ჩამომჯდარს.

— რამ შეგაშინათ?.. ნუ თუ ასე მხდალი ხართ?.. — შევეკითხე მე და სხეულში რაღაც ტკბილმა და გაუგებარმა ქრუნტელმა დამიარა, მაგრამ სინიღისმა თავი წამოაჰყო და გაეჩუმდი.

— არა, მაგრამ მაინც, ისე!.. — მომიგო მან და მკლავები ღვთის მშობლივით მკრძლავი ჯიარყინათ დაიწყო.

უკვე ყველაფერი მავიწყდებოდა, ის დარდი და კაეშანი სადღაც უკანა რიგში ჩაღება...

— ოჰ, ლენა, რომ იცოდეთ, რომ იცოდეთ!.. — დავიძახე მე რა-ღაც მტანჯველი, მოზღვავებულ ქინიან ბოლმით და თვითონაც არ ვიცოდი, თუ რა უნდა სცოდნოდა ლენას...

— ჰო, რა იყო, რა დაგემართა ჩემო!.. — წამჩურჩულა მან რაღაცა სიტკბოთი და ჩემთან დაიხარა, მე მეტი ვეღარ ავიტანე და შევსურდით სადღაც, სადღაც...

მეორე დღეს კი მე და ლენა სხვებთან ერთად კუბოს მივყევბოდით...

დღმნა შენგელაია.

ქუთ. საზ. ჰოსპიტალი, ბარაკი მე-7.

1917 წ. ენკენისთვის ღამე.

ვერ დამიმონება!..

შენს წიაღში განვლევ ჩემი სიყმაწვილის დღენი. — შენ შემოგცქეროდი მუდამ ქაშს თუ რას მომცემდი, თუ რით აღავებდი მშვენიერების და აღმაფერენის ტაძარს ჩემს ცხოვრებაში. მეც შენთან ერთად ვშრომობდი, რომ აღგვენთო გამუდმებული კოცონი და მსხვერპლად შეგვეწირა საკაცობრიო ბრწყინვალე მომავლისთვის ჩვენი მძანჯველი, ჩვენი დამოზონებელი... — ჩვენ გადავლახეთ გზა ეკლიანი, გზა გაუვალი... ჩვენ დავამსხრიეთ ძლიერთა კერპი, სიმბოლო დამცირება-დაჩლუნგებისა, ფეტიშიზმით მოცულ გარემოს. ჩვენ ვავედით გზა სამშედლობის და ვფიქრობდით გამარჯვებით დღესასწაულის დაგვირგვინებას... მაგრამ, ბურუსმა გადააფარა თავისი მანდილი განაწამვან დღეთა... განკრა ჩვენს შორის იმედი სანეტარო ცხოვრებისა... გაითხარა უფსკრული და ჩავსვენა შიგ ჩემი იმედი. დიახ, ამის მესაფლავედ შენ გახდი, შენ უგალობე სულთათანა ჩვენს მომავალ ბედნიერებას...

უკანასკნელი გზა ჩვენი მსგელობისა შენ დამისახე ტანჯვის ხანად... ჰოი, ბოროტო, ვსცანი შენი გულის ზრახვანი და განვეშორე ბჭეთა შენი მეფობისასა. — მას შემდეგ ვიგრძენ მოსვენება... და ხომ გიგვ, რომ აღარ გებრძვი?!.. შენ არა ფიქრობდი თავიდან ერთად გვეცხოვრა ტკბილად და თუ ვისიმე მახვილი ჩვენი არსებობის წინააღმდეგ აპრილდებოდა, ჩვენი კაეშირი მათ შიშის ზარს დასცემდა!.. მაგრამ შენ არ ინდომე ყველა ესენი, შენ გადასწყვიტე, რომ კვლავ ბო-რკილთა რაჩხუნს ვერ გავშორებუიყავ. მაგრამ მოგშორდი... ეხლა რა გინდა, მტარვალო! განა ვერ დასტკბი შენ მოძმეთა მუდმივი ტანჯვით? განა ვერ ძლები უდანაშაულო მსხვერპლთა სისხლის ნაქადით? დიახ, ვერ დასტკბი... შენს გაუმადლობას არ ეყო შენს თვალთმაქც სამეფოში ბედ-შავთა და უდანაშაულოთა დანთხეული სისხლი, და

აჰა, შენს მურტალ ხელს ჩემსკენ იშვერ, რომ შეარბიო ჩემი სულის სიმშვიდე; შენ მომართე გესლიანი მახვილი ჩემს პატარა, მაგრამ ედემის მსგავს ბალისაყენ, რომ ისიც მისცე აფუზგუზებულ ცეცხლის აღს, მით გამიგმირო გული და გლოვის ზეწარი ჩამოვაფარო ჩემს საამურ სი-
ცოცხლის დღეებს...

ნუ, ნუ ფიქრობ მაგას... ხელრ აიღე ჩემს სამეფოზე...

ნუ თუ გგონია აგრე ადვილი ჩემი უფსკრულში კვლავ გადა-
სროლოა?!...

შენი მუქარა მე ვერ მაშინებს... თუ მოიქცევი, მზათავარ გამო-
გიწოდო ძმური კავშირის ხელი, და თუ არ შესცვლი ბოროტ განზრ-
ხვებს, მეც ძალა შემწეფს. ტყვილად ფიქრობ კვლავ დამიმონო.

და თუ, მტარვალო სულო ბოროტო, ჩემსკენ თავხედათ გადმოი-
ხედავ; მზათ დაგიხვებები, რომ შენი მიზანი შენივე მახვილით გაეანა-
ცარმტვერო...

მაშ, გამიგონე, ვერ დამიმონებ!

ლია.

თბილისი, 7 მაისი.

ზავი საბჭოთა რუსეთთან

საქართველოს დემოკრატიამ სულ მოკლე ხანში ორი უდიდესი ნა-
ბიჯი გადადგა წინ: ერთია ანტანტის სახელმწიფოების მიერ „de facto“-თ
საქართველოს დამოუკიდებელ და სუვერენულ სახელმწიფოთ აღიარე-
ბა, მეორეა საბჭოთა რუსეთთან ზავის შეკვრა და რუსეთის მიერ საქა-
რთველოს „de facto“-თ და „de jure“-თ დამოუკიდებელ და სუვერენულ
სახელმწიფოდ აღიარება და საქართველოს სუვერენული უფლების ცნო-
ბა ქ. ბათუმზე და მის ოლქზე. თავისთავად ცხადია, რომ ორივე ეს
უაღრესად მნიშვნელოვანი პოლიტიკური აქტი ჩვენი დემოკრატიის
ცხოვრებაში მჭიდროთ დაკავშირებულია იმ საზოგადოებრივ და სახელ-
მწიფოებრივ მუშაობასთან, რომელსაც თავიდანვე აწარმოებდა ჩვენი დე-
მოკრატია და მისი ერთად ერთი ხელმძღვანელი პარტია—საქართვე-
ლოს ს.-დემოკრატია.

ჩვენდა საბედნიეროთ, ქართველ დემოკრატიის ცნობიერებაში
ერთხელ და სამუდამოდ განმტკიცდა ის აზრი, რომ მტერს მტრულად
უნდა დახვედრა და მოყვარეს მოყვრულად; ქართველმა დემოკრატიამ
კარგათ იცის თუ რა დიდ საგანძურს წარმოადგენს მისი კეთილდღეო-
ბისთვის მოპოვებული თავისუფლებისა და დამოუკიდებლობის დაცვა-გა-
ნმტკიცება, ამიტომაც არის ის მკაცრი და უღმობელი ყველა იმათ წი-
ნააღმდეგ, ვინც კი ამ საგანძურის მისი ხელიდან გამოგლეჯას შეეცდე-
ბა და, პირიქით თავაზიანია და უაღრესათ ჯგერტლმენი ყველა იმათთან,
ვინც მას მეგობრულად ხელს გამოუწვდის და მასთან კეთილ-მეზობლუ-
რი ურთიერთობის დამყარებას მოიწადინებს. ასეთია ბუნებრივი გზა
ყველა ქეშმარიტი დემოკრატიისა, ეს—ასე ვთქვათ—მისი შინაბუნე-

ბის სრული განხორციელება. ეს დიდი საკაცობრიო მცნება ჯერ კიდევ მე-12 საუკუნეში უანდერმა ქართველ ხალხს მისი სულის საუკეთესო მესაძღუმლე სულმნათმა შოთამ: „სჯობს სიცოცხლესა ნაძრახსა სიკვდილი სახელოვანი“.

ეს ორი დიდი მონაპოვარი ბევრ რასმეს გვეუბნება ჩვენი დემოკრატიის დღევანდელ საუმჯობესო მდგომარეობაზე და მისი ბრწყინვალე მერმისის რამდენათმე გათვალისწინებაზე. მართლაც და, ყველასთვის ცხადია ის ფაქტი, რომ ანტანტის სახელმწიფოებმა მხოლოდ მაშინ სცნო ჩვენი დამოუკიდებლობა და სახელმწიფოს სუვერენობა, როდესაც სავსებით დარწმუნდა ჩვენი დემოკრატიის სრულ ძლიერებაში და სახელმწიფოებრივ აღმშენებლობის საქმეში. ამავე გარემოებით აიხსნება რუსეთის სახელმწიფოსთან ზავის შეკვრა: ქართველი დემოკრატიის ერთსულოვანმა სამხედრო სამხადისმა და მტკიცე ნების ყოფამ ქვეყნის თავდაცვის საქმეში, ექვი არ არის, აიძულა საბჭოთა რუსეთი ხელი აეღო საქართველოს ძალით შემოერთების ზრახვებზე და ეცნო მისი დამოუკიდებლობა და სუვერენული უფლება. ამგვარათ, ეს ორი ფრიად მნიშვნელოვანი მონაპოვარი უშუალო შედეგია ჩვენი დემოკრატიის თვითმოქმედებისა და მწყობრი ორგანიზაციული მუშაობისა. სხვა დანარჩენ პირობებში ჩვენ ვერც ერთ ამ დიდ ნაბიჯს ვერ გადავდგამდით, და თანამედროვე საერთაშორისო პრაქტიკის მიხედვით ეს კითხვები ჩვეულებრივ ისე გადაიჭრებოდა, როგორც ეს საზოგადოთ მიღებულია და ჩვეული, სახელდობრ ჩვენ ჩავვარდებოდით უცხო სახელმწიფოს ოპეკაში. ტყუილ უბრალოდ როდი ამბობდა ცნობილი სოციალისტი ლასალი: ნამდვილი უფლებების განმტკიცება ეს მხოლოდ რეალური ძალის სრული გამოხატულებაა.

ეს ორი დიდი გამარჯვება იმავე დროს მიუცილებელი პირობაა ქართველ დემოკრატიის სოციალური, პოლიტიკური და ინტელექტუალური განვითარებისა. ყოველგვარ მაქსიმალ მოთხოვნილების გარეშე მდგომი და თავის მოქმედებაში დროსა და პირობებზე შეწყობილი, ქართველი დემოკრატია სულ მალე შესძლებს ეზიაროს ევროპის მაღალი კულტურის ყველა ღირებულებებს და ამგვარათ ევროპის მუშათა კლასთან ერთად ხელი-ხელ-ჩაკიდებული გასწიოს თავის საბოლოო მიზნის მისაღწევათ—სოციალიზმის დასამყარებლათ.

ა. კ. — მ.



101/
1-30

301/27

10-

ჟანვარი 25 ძვ.